

黃帝內經太素

黃帝內經太素卷第十二

營衛氣

通直郎守太子文學臣楊上善奉 敕撰注

黃陂蕭延平北承甫校正

平按此篇自溢於中以上殘脫不完篇目亦不可考其自黃帝曰營氣之道至肺流凡二十字從靈樞甲乙營氣篇補入自溢於中以下至逆順之常也見靈樞卷四第十六營氣篇又見甲乙經卷一第十營氣篇自黃帝曰願聞營衛之所行至末見靈樞卷四第十八營衛生會篇又見甲乙經卷一第十

一營衛
三焦篇

黃帝曰營氣之道內穀為寶穀入于胃乃傳之肺流

以上從靈樞甲乙經營氣篇補入溢於中布散於外穀入胃已精濁下流清精注肺肺得

其氣流溢五藏精專者行於經隧常營毋已終而復始是

布散六府也謂天地之紀精專血氣常營無已名曰營氣也故氣從太陰出注於陽明上

行至面注足陽明下行至跗注大指間與太陰合

以下言營

行十二經脈也氣營氣也營氣起於中焦並胃口出上焦之後注手太陰手陽明乃之足陽明也

平按出下甲乙有循臂內上廉五字注於陽明靈樞甲乙作注手陽明靈

樞無至面二字上行抵脾從脾注心中循手少陰出掖下

臂注小指之端合手太陽上行乘掖出頰內注目內

皆上顛下項合足太陽循脊下尻行注小指之端

足太陽陰脈注心中從心中循手少陰脈行也合者合手小指端也上顛下項者十二經中

手太陽脈支者別頰上顛抵鼻至目內眥手太陽脈起目內眥此言上顛者循

手太陽氣至目內眥合足太陽之氣與之共行上頂下項然後稱合理亦无違也

平按抵脾靈樞作抵脾掖靈樞甲乙均作掖下同不再舉下臂注小指之端靈樞無之端二字尻

下靈樞甲乙有下字循足心注足少陰上行注腎從腎注

心外散於胸中循心注

平按注靈樞甲乙作主

脈出掖下臂入兩筋

之間入掌中出中指之端

平按甲乙作手中指

還注小指次指之

端合手少陽上行注臆中散於三焦從三焦注膽

平按臆甲

乙作臆出脇注足少陽下行至跗上復從跗注大指間合

足厥陰上行至肝從肝上注肺上循喉嚨入頄顙之

竅究於畜門其別者

平按靈樞甲乙作其支別者

上額循顙下項中循

脊入骶是督脈也絡陰器上過毛中入臍中上循腹

裏入缺盆下注肺中復出太陰此營氣之行逆順之

常也

問曰肝脈足厥陰上貫膈布脇肋循喉嚨之後上入頄顙連目系上出額與督脈會於顙此言足厥陰脈循喉嚨究於畜門循顙入骶等是督

脈者未知督脈與足厥陰脈同異何如答曰足厥陰脈從肝上注肺上循喉嚨上至於顙與督脈會督脈自從畜門上額至顙下項入骶與厥陰不同此言別者上額循顙之言乃是營氣行足厥陰至畜門別於厥陰之脈循督脈上額至顙下項入骶絡陰器上循腹裏入缺盆復別於督脈注於肺中復出手太陰之脈此是營氣循列度數常行之道與足厥陰及督脈各異也頄顙當會厥上雙孔畜門鼻孔也逆順者在手循陰而出循陽而入在足循陰而入循陽而出此

為營氣行逆順常也平按此營氣之行甲乙作此營氣之所行也黃帝曰願聞營衛之所行皆

何道從行岐伯答曰營出於中焦衛出於上焦夫三焦者上焦

在胃上口主內而不出其理在膻中中焦在胃中口不上不下主腐熟水穀其理在臍旁下焦在臍下當膀胱上口主分別清濁主出而不內其理在臍下一寸故營出中焦者出胃中口也衛出上焦者出胃上口也

平按從行靈樞作從來甲乙作從始無岐伯答三字

黃帝曰願聞

三焦之所出

前問營衛二氣所出出於三焦未知上焦衛氣出在何處故致斯問平按甲乙無黃帝曰願聞及下岐伯曰十三字

岐伯曰上焦出於胃上口並咽以上貫膈布胸中走

掖循太陰之分而行還注陽明上至舌

咽胃之際名胃上口胃之上口出氣即循

咽上布於胸中從胸中之掖循肺脈手太陰行至大指次指之端注手陽明脈循指上廉上至下齒中氣到於舌故曰上至舌也此則上焦所出與衛氣同所行之道與營共行也平按布上靈樞甲乙有而字還注陽明靈樞作還至陽明甲乙作還至手陽明注從胸中從字袁刻作循

下足陽

明

其脈還出俠口交人中左之右右之左上俠鼻孔與足陽明合足陽明下行至足太陰等與營氣俱行也平按下足陽明甲乙作下注足陽明注交

人中交字袁
刻誤作夾

常與營俱行於陽二十五度行於陰亦二十

五度一周也故五十周而復大會於手太陰

營氣行晝故
即行陽也行

夜故即行陰也其氣循二十八脈十六丈二尺晝行二十五周夜行二十五周
故一日一夜行五十周平旦會手太陰脈也一度有一周五十周為日夜一大
周矣上焦衛氣循營氣行終而復始常行無已也 平按行於陽二句甲乙
作行於陰陽各二十五度一周也作為一周故下有日夜二字復下有始字黃

帝曰人有熱飲食下胃其氣未定汗則出或出於面

或出於背或出於身半其不循營衛氣之道而出何也

岐伯曰此外傷於風內開腠理毛蒸理洩衛氣走之

固不得循其道此氣慄悍滑疾見開而出故不得從

其道故命曰漏洩

蒸之冰反火氣上行也衛氣在於脈外分肉之間腠
理傷風因熱飲食毛蒸理洩腠理內開慄芳昭反急

也悍胡旦反勇也言衛氣勇急遂不循其道即出其汗謂之漏洩風也 平按
營衛氣靈樞甲乙無營字命曰甲乙作名曰袁刻脫命字洩靈樞甲乙均作泄

黃帝曰願聞其中焦之所出岐伯曰中焦亦並胃口

出上焦之後此所謂受氣者泌糟粕承津液化其精

微上注於肺脈乃化而為血以奉生身

必言必中焦在胃中口中焦之氣從

胃中口出已並胃上口出上焦之後五穀之氣也必去糟粕承津液之汁化其精微者注入手太陰脈中變赤稱血以奉生身

平按甲乙無黃帝曰至岐伯曰十四字靈樞胃口作胃中靈樞甲乙承津液承字均作蒸注五穀上原缺一字依經文擬作受莫貴於此故獨

得行於經隧命曰營氣

人眼受血所以能視手之受血所以能握足之受血所以能步身之所貴

莫先於血故得行於十二經絡之道以營於身故曰營氣也隨道也故中焦口營氣也

平按命曰營氣甲乙無氣字注中焦下原缺二字因上節問中焦之所出故此處擬作所出二字黃帝曰夫血之與氣異名同類何也岐伯

曰營衛者精氣也血者神氣也故血之與氣異名同

類焉故奪血者毋汗奪氣者毋血故人生有兩死而

毋兩生

營衛者人之至精之氣然精非氣也血者神明之氣而神非血也故比之口水氣無異也母血亦死母氣亦死故有兩死也有血亦生有

氣亦生隨有二即生故毋兩生也

黃帝曰願聞下焦之所出岐伯答曰下

焦者別迴腸注於膀胱而滲入焉故水穀者常并居

於胃中成糟粕而俱下於大腸而成下焦滲而俱下

濟泌別汁循下焦而滲入膀胱焉

迴腸大腸也下焦在臍下當膀胱上口主分別清濁

而不內此下焦處也濟泌別汁循下焦滲入膀胱此下焦氣液也膀胱尿脬也平按甲乙無黃帝曰至岐伯答曰十四字而成作而為濟泌作滲泄黃

帝曰人飲酒亦入胃穀未熟而小便獨先下何也岐

伯答曰酒者熟穀之液也其氣悍以滑故後穀入而

先穀出焉

其氣悍者酒為熟穀之氣又熱故氣悍口口口平按注又熱衰刻脫又字悍下原缺三字依經文擬作以滑也三字黃

帝曰善余聞上焦如霧中焦如漚下焦如瀆此之謂

也

上焦之氣如霧在天霧含水氣謂如雪霧也漚屋豆反久漬也中焦血氣在脈中潤一頃謂之漚也下焦之氣漚液等如溝瀆流在地也 平按注

雪字恐係雲字傳寫之誤

營衛氣行

平按此篇自篇首至三歛而已見靈樞卷十第七十一邪客篇又見甲乙經卷十二第三自黃帝曰余聞十二經脈至以數調

之見靈樞卷六第四十陰陽清濁篇自黃帝曰願聞人之清濁至以數調之又見甲乙經卷一第十二自黃帝曰經脈十二者至末見靈樞卷六第三十

四五亂篇又見甲乙經卷六第四陰陽清濁順治逆亂大論

黃帝問伯高曰夫邪氣之客於人也或令人目不瞑

不卧出者何氣使然

厥邪客人為病目開不得合卧起口口起也平按目不瞑至使然十一字甲乙作目不得眠

者何也

伯高答曰五穀入於胃也其糟粕精液宗氣分

為三隧

宗總也隧道也糟粕津液總氣分為三隧

故宗氣積於胸中出於喉嚨

以貫心肺而行呼吸焉

糟粕津液濁穢下流以為便其清者宗氣積於膻中名曰氣海其氣貫於心肺出

入喉嚨之中而行呼吸一也

平按心肺靈樞作心脈

營氣者泌其津液注之於脈化

而為血以營四末內注五藏六府以應刻數焉

營氣起於中焦

泌五穀津液注於肺脈手太陰中化而為血循脈營於手足迴五藏六府之中旋還以應刻數二也

衛氣者出其悍氣

之慄疾而先行四末分肉皮膚之間而不休者也晝

日行於陽夜行於陰其入於陰也常從足少陰之分

間行於五藏六府

衛氣起於上焦上行至目行手足三陽已夜從足少陰分上行五藏至晝還行三陽如是行五藏行

六府者夜行五藏之時藏脈絡府故兼行也以府在內故三也平按四末上

靈樞甲乙有於字不休者也甲乙作不休息也晝下甲乙無日字靈樞無其入

於陰也句今厥氣客於藏府則衛氣獨衛其外衛其外則

陽氣暝暝則陰氣益少陽喬滿是以陽盛故目不得

瞑

厥氣邪氣也邪氣客於內藏府中則衛氣不得入於藏府衛氣唯得衛外則為盛陽暝張盛也藏府內氣不行則內氣益少陽喬之脈在外營目今

陽喬盛溢故目不得合也瞑音眠 平按藏府靈樞作五藏六府甲乙作五藏獨衛其外甲乙作獨營其外衛其外則陽氣瞑至目不得瞑二十五字靈樞作行於陽則陽氣盛陽氣盛則陽蹇腦不得入於陰陰虛故目不瞑二十五字甲乙同惟甲乙陽喬腦作陽喬滿陰虛作陰氣虛故目不瞑作故目不眠與靈

異樞小黃帝曰善治之奈何伯高曰補其不足寫其有

餘調其虛實以通其道而去其邪不足陰氣也飲以半

夏湯一齊陰陽以通其卧立至以下言半夏湯方以療厥氣厥氣既消內外氣通則目合得卧

平按齊靈樞甲乙作刺黃帝曰善此所謂決瀆壅塞經絡大通陰

陽和得者也願聞其方溝瀆水壅決之則通陰陽氣壅鍼液導之故曰決瀆所以請聞其方也伯高

曰其湯方以流水千里以外者八升揚之萬遍取其

清五升煮之炊以葦薪大沸量秫米一升治半夏五

合徐炊令竭為一升半去其滓飲汁一小杯日三稍

益以知為度故其病新發者覆杯則卧汗出則已矣

久者三飲而已

飲湯覆杯即卧汗出病已者言病愈速也三飲者一升半為一齊久病三服即差不至一齊新病一服即愈也

平按大沸大字靈樞甲乙均作火

黃帝曰余聞十二經脈以應十二經水

十二經水者其五色各異清濁不同人之血氣若一

應之奈何

十二水謂經渭海湖汝沔淮漯江河濟漳此十二水十二經所法以應五行故色各異也江清河濁即清濁不同也若如也人

血脈如一若為彼十二經水也平按十二經水四字靈樞不重

岐伯曰人之血氣苟能若一

則天下為一矣惡有亂者乎

人之血氣苟能一種無差者不可得應於十二經水正以血脈十二

經不同故得應於十二經水所以有相亂也

黃帝曰余問一人非問天下之眾岐

伯曰夫一人者亦有亂氣天下之眾亦有亂氣其口

為二耳

非直天下眾人血脈有亂一人自有十二經脈故有亂也平按其下原缺一字靈樞作合袁刻作理

黃帝曰願

聞人氣之清濁岐伯曰受穀者濁受氣者清受穀之濁胃氣也受

氣之清肺氣也清者注陰陰肺也濁者注陽陽胃也濁而清者上出於

咽穀氣濁而清者上出咽口以為噫氣也清而濁者則下行穀氣清而濁者下行經脈之中以為營氣平

按則下行甲乙作下行於胃清濁相干命曰亂氣清者為陰濁者為陽清濁相干則陰陽氣亂也平按命甲乙

名黃帝曰夫陰清而陽濁濁者有清清者有濁別之

奈何問清濁之狀也平按岐伯曰氣之大別氣之細別多種今言其大畧耳清

者上注於肺穀之清氣上注於肺濁者下流於胃穀之濁者下流於胃胃之清

氣上出於口胃中穀氣濁而清者上咽出口以為噫氣肺之濁氣下注於經內積

於海注肺清而濁氣下注十二經并積膈中以為氣海而成呼吸也黃帝曰諸陽皆濁何陽獨

甚乎諸陰皆清諸陽皆濁諸陽之脈皆濁未知何經獨受中之濁也岐伯曰手太陽獨受陽之

濁

胃者腐熟水穀傳與小腸小腸受盛然後傳與大腸大腸手太陰獨受陽傳過是為小腸受穢濁最多故小腸經受陽之濁也

手太陰獨

受陰之清其清者上走空竅

肺脈手太陰受於清氣其有二別有清清之氣行於三百六十五絡

皆上於面精陽之氣上行目而為精其別氣走耳而為聽其宗氣上出於鼻而為臭其濁氣出於脣口為味皆是手太陰清氣行之故也 平按空竅甲乙作

孔竅注精陽二字袁刻作清

其濁者下行諸經

於手太陰清而濁者下行於脈行十二經中也

諸陰皆

清足太陰獨受其濁

六陰之脈皆清足太陰以是脾脈脾主水穀濁氣故足太陰受陰之濁也 平按注脾主主字

上半蟲傷不全下半剩土字當是主字剩文袁刻作上

黃帝曰治之奈何岐伯曰清者

其氣滑濁者其氣濇此氣之常也故刺陽者深而留

之刺陰者淺而疾之清濁相干者以數調之

諸經多以清者為陽

濁者為陰此經皆以穀之悍氣為濁為陽穀之精氣為清為陰有此不同也故人氣清而滑利者刺淺而疾之其氣濁而濇者刺深而留之陰陽清濁氣并亂

以理調之理數然也 平按靈樞刺陽作刺陰刺陰作刺陽甲乙同疾之甲乙作疾取之

黃帝曰經脈十二者

黃帝曰經脈十二者

別為五行分為四時何失而亂何得而治岐伯曰五

行有序四時有分相順則治相逆則亂

相順者十二經脈皆有五行四時之

分諸攝生者攝之當分則為和為順乖常失理則為逆為亂也

黃帝曰何謂相順

平按甲乙有而治二字

岐

伯曰經脈十二者以應十二月十二月者分為四時

四時者春夏秋冬其氣各異營衛相隨陰陽已和清

濁不相干如是則順而治

營在脈中衛在脈外內外相順故曰相隨非相隨行相隨和也

黃帝

曰何謂逆而亂岐伯曰清氣在陰濁氣在陽

清氣在於脈內為營

為陰也濁氣在於脈外為衛為陽也

營氣順行脈衛氣逆行

營衛氣順逆十二經而行也衛之悍氣上至於

目循足太陽至足指為順行其悍氣散者復從目循手太陽向手指是為逆行也此其常也

清濁相干

亂於胸中是謂大惋

惋音悶陽氣入陰陰氣入陽即清濁亂也營氣逆行衛氣順行即逆順亂也

故氣

亂於心則煩心密嘿俛首靜伏

密嘿煩心不欲言也俛首低頭靜伏也

亂於肺則俛仰喘喝接手以呼

肺手太陰脈行臂故肺氣亂肺及臂手悶所以接手以呼也

平按接甲乙作按

亂於腸胃則為霍亂

腸胃之中管衛之氣相雜為亂故為霍亂霍亂卒吐利也

臂脛則為四厥

四厥謂四支冷或四支熱也

亂於頭則為厥逆頭重眩

仆

厥逆頭重謂頭寒或熱重而眩仆也平按頭重甲乙作頭痛注一作頭重

黃帝曰五亂者刺之

有道乎岐伯曰有道以來有道以去審知其道是謂

身寶

有道者理其亂使從其道

黃帝曰善願聞其

岐伯曰氣在於心

者取之手少陰經心主輸

氣在於心取手少陰經者上經云心不受邪今氣在心若為不受邪也若言邪

在心之包絡即應唯療手心主之經何為心病二經俱療故知心者亦受邪也

輸謂手少陰手心主二經各第三輸也

氣在於肺取之手太陰榮足少陰

輸手太陰榮肺之本輸足少陰輸乃是腎脈以其腎脈氣在於腸胃

取之足太陰陽明下者取三里足太陰脾脈也脾胃府藏陰陽

陽明之脈是胃本經胃之上輸在背下輸在三里也平按下者靈樞甲乙作不下者氣在於頭取之天柱大

杼足太陽脈行頭天柱大杼並是不知取足太陽榮輸取前二穴

可取足太陽第二氣在於臂足先去於血脈後取陽明少

陽之榮輸手足四厥可先刺去手足盛絡之血然後取於手足陽明榮之

於字黃帝曰補寫若何岐伯曰徐入徐出謂之道導氣

補者徐入疾出寫者疾入徐出補寫無形所以謂之同精是非

有餘不足也亂氣之相逆也補寫雖復無形無狀所以同欲精於

故精者補寫之黃帝曰光乎哉道明乎哉論請著之玉板

妙意便之和也

命曰治亂

黃帝讀岐伯之言有二一則所言光揚大道二則所論開道巧便故請傳之不朽也 平按自黃帝曰光乎哉至末甲乙無

營五十周

平按此篇自黃帝曰余願聞五十營至末見靈樞卷四第十五五十營篇又見甲乙經卷一第九氣息周身五十營四時十分

漏刻篇

黃帝曰余願聞五十營岐伯答曰天周二十八宿宿

三十六分

此據大率言耳其實弱三十六分 平按甲乙無余願聞三字靈樞營下有奈何二字

人氣行一周

謂晝夜周

一千八分

其實千分耳據三十六全數積之故積八分也宿各三十

行二十分氣行再周日行三十分人晝夜五十周故知一千分也 平按千上靈樞甲乙無一字注日行三十分當係四十分之誤玩下經文自明 日

行二十八分人經脈上下左右前後二十八脈周身

十六丈二尺

日行二十分人經脈一周言八分者誤也以上下文會之可知也 平按日行二十八分分字靈樞作宿甲乙無此句

以應二十八宿漏水下百刻以分晝夜

以二十八脈氣之周身上應二十八

宿漏水之數盡故人一呼脈再動氣行三寸一吸脈亦再

動氣行三寸呼吸定息氣行六寸一息之間日行未一分故不言日行之數十

息氣行六尺日行二分一息六寸十息故六尺也二分謂二十七

十三息半則一分矣平按注四分据下注十二百七十息氣行十

六丈二尺氣行交通於中一周於身下水二刻日行

二十分十息六尺故二百七十息氣行一百六十二尺又日行二十分者十

息得二十七分之二十此四字恐係二十之誤五百四十息氣行

再周於身下水四刻日行四十分倍一周身之數平按四

千七百息氣行十周於身下水二十刻日行五宿二

十分十倍一周故日行二百分也宿各三十六分故當五宿二十分也由此

言之故知五十周以一千分為實也平按二令甲乙作二百十分有

奇一萬三千五百息氣行五十營於身水下百刻日

行二十八宿漏水皆盡脈終矣

此人晝夜之息數氣行二十八脈之一終與宿漏相畢

甲乙經注引王冰曰此略而言之也細言之則所謂交通者并行一

數

謂二手足脈氣并行而以一數之即氣行三寸者兩氣各三寸也故五而二氣之行相交於中故曰交通上有交通之文故云所謂也

故五

十營備得盡天地之壽矣

壽即終之義也天地以二十八宿下水百刻為一終也

氣凡

行八百一十丈

即二十八脈相續五十周之數也

平按靈樞無氣字

衛五十周

平按此篇自篇首至末見靈樞卷十一第七十六衛氣行篇甲乙經同上

黃帝問於伯高曰願聞衛氣之行出入之合何如伯

高答曰歲有十二月日有十二辰子午為經卯酉為

緯天周二十八宿而面有七星四七二十八星房卯

為緯虛張為經

經云虛張為經者錯矣南方七宿星為中也 平按甲乙天周二十八宿而面有七星作天一面七宿周天七

字面有靈樞作一面房卯卯字靈樞甲乙均作昂

是故房至畢為陽昂至尾為陰

經云昂至

尾為陰便偏心宿也 平

陽主晝陰主夜故衛氣之行一日一

按尾靈樞甲乙均作心

夜五十周於身晝日行於陽二十五周夜行於陰二

十五周於五藏

晝行手足三陽終而復始二十五周夜行五藏終而復始二十五周也 平按於五藏上靈樞甲乙重周字

故平旦陰氣盡陽氣出於目目張則氣上行於頭循

項下足大陽循背下至小指之端

行於五藏陰氣盡也衛氣出目循足大陽氣出於目

也小指之端足小指外側端也

其散者別於目兌眚

平按別於目兌眚甲乙作分於目別

下手太

陽下至小指之端外側其散者別目兌眚下足少陽

注小指次指之間以上循手少陽之分

平按分下靈樞甲乙有側字下

至小指次指之間

平按靈樞甲乙無次指二字

別者至耳前合於頷脈

注足陽明下行至跗上入五指之間其散者從耳下

下手陽明大指之間入掌中

皆才諸反目崖一曰目眶散者衛之悍氣循足太陰脈而有餘別故

曰散者別目兌皆目外決皆也目之兌皆有手太陽無足太陽今言別者足大陽脈係於目系其氣至於兌皆故衛氣別目兌皆下手太陽至小指之端外側也行此手足太陽一刻時也衛之悍氣別者循足少陽至小指次指之間別者循手少陽至於小指次指之間二刻時也衛之悍氣別者合於頷脈謂足陽明也入五指間者謂足陽明絡散入十指間故刺瘡者先刺足陽明十指間也手陽明偏歷大絡斜肩髃上曲頰偏齒其別者從齒入耳故衛別於耳下下手陽明至大指間入掌中者手陽明脈不入掌中而言入者手陽明脈氣雖不至掌中衛之悍氣循手陽明絡至掌中三刻時也平按頷靈樞甲乙作頷說文頷頭也唐韻音頷亦通

其至於足也入足心出內踝下行陰分復合

於目為一周

衛之悍氣晝日行手足三陽已從於足心循足少陰脈上復合於目以為行陽一周如是晝日行二十五周也平按此

一段二十二字袁刻混入注中查靈樞甲乙均有此文應作大字為經餘小字為注

是故日行一舍人氣行一

周於身與十分身之八

以下俱言行陽二十五周人氣行身一周復行第二周內十分之中八分即日行之

一舍也

日行二舍人氣行三周於身與十分身之六日

行三舍人氣行於身五周與十分身之四日行四舍
人氣行於身七周與十分身之二日行五舍人氣行
於身九周日行六舍人氣行於身十周與十分身之
八日行七舍人氣行於身十二周於身與十分身之
六日行十四舍人氣行二十五周於身有奇十分分
身之四

人氣晝日行陽二十五周於身有奇十分身之二言四誤也 平

按身之四靈樞作二楊注言四誤也按上文日行七舍人氣行身十

二周與十分身之六此十四合倍七舍則十二周與十分身之六亦復倍之當為二十五周與十分身之二 陽盡而陰受氣

矣其始入於陰常從足少陰注於腎腎注於心

衛之陽氣晝日

行三陽二十五周已至夜行於五藏二十五周腎脈支者從肺出絡心故心注

衛氣循之注心者也衛氣夜行五藏皆從能剋注於所剋之藏以為次也

於肺心脈直者手少陰復從心系御肺注於肝肝脈支者復從肝別貫

注肝肝注於脾肝脈俠胃胃脈絡脾脾復注於腎為一周脾脈

者也故從下入少腹氣生於腎故衛氣循之注腎者也是故夜行一舍人氣行於陰藏一周

與十分藏之八亦如陽之行二十五周而復合於目

前行陽中日行一舍人氣行身一周復行後周十分身之八分此夜行一舍人

氣行陰藏一周復行後周十分藏之八與前行陽二十五周數同亦有二十五

周合五十周復合於目終而復始也平按陰藏甲乙作身注一云陰藏合於目甲乙作會於目陰陽一日一夜合有

奇分十分身之二與十分藏之二行陽奇分十分身之二行陰

同也 平按兩二字甲乙均作四注云亦作三

是故人之所以臥起之時有早晏者

奇分不盡故也黃帝曰衛氣之在於身也上下往來

不以期候氣而刺之奈何

平按不以期甲乙作無已其

伯高曰分有多

少日有長短春秋冬夏各有分理然後常以平旦為

紀以夜盡為始是故一日一夜水下百刻二十五刻

者半日之度也常如是毋已日入而止隨日之長短

各以為紀而刺之謹候其時病可與期失時反候百

病不治故曰刺實者刺其來也刺虛者刺其去也此

言氣存亡之時以候實虛而刺之

刺實等衛氣來而實者可刺而寫之衛氣去而虛者可刺

而補之平按自謹候其時至以候實虛而刺之數句甲乙編次在後

是故謹候氣之所在而刺之

是謂逢時

補寫之道必須候於邪氣所在刺之

病在三陽必候其氣之加在

於陽分而刺之病在於三陰必候其氣之加在於陰

分而刺之

病在手足三陽刺之可以用療陽病之道也病在三陰刺之可以取療陰病之道也

平按加在於陽分與加在於陰分靈樞

無兩加字兩分字甲乙刺之下有謹候其時病可與期失時反候百病不除十六字

在大陽者在水下二刻人氣在少陽

在少陽者謂是手足少陽

水下三刻

手足大陽也

水下四刻人氣在陰分水

水下五刻人氣在大陽水下六刻人氣在少陽水下七刻

人氣在陽明

在陽明謂是手足陽明也

水下八刻人氣在陰分水

水下九刻人氣在大陽水下十刻人氣在少陽水下十一刻人氣在

陽明水下十二刻人氣在陰分水

水下十三刻人氣在大陽水下十四刻人氣在少陽水下十五刻人氣在

陽明水下十六刻人氣在陰分水

水下十七刻人氣在

大陽水下十八刻人氣在少陽水下十九刻人氣在
陽明水下二十刻人氣在陰分水下二十一刻人氣
在大陽水下二十二刻人氣在少陽水下二十三刻
人氣在陽明水下二十四刻人氣在陰分水下二十
五刻人氣在大陽此半日之度也從房至畢十四舍
水下五十刻日行半度迴行一舍水下三刻與七分
刻之二迴行一舍水下三刻與七分刻之四言七分刻之二者錯矣置五十刻以十四舍除之得三刻十四分之八法實俱半之得七分之二也
平按甲乙日行半度迴行一舍八字作從昴至心亦十四度水下五十刻終日之度也日行一舍者二十三字七分刻之二作十分刻之四注云素問十作七又靈樞刻之二作刻之四
大要曰常以日之加於宿上也人氣在大

陽衛氣行三陽上於目者從足心循足少陰脈上至目以爲一刻若至於夜便入腎常從腎注於肺晝夜行藏二十五周明至於目合五十周終而復

始以此為准不煩注解也 平按甲乙無日字之加作加之氣上有則知二字
注上至目及至於目兩目字原本均作日平按上注衛氣循少陰脈上復合於
目以為行陽一周又本篇經文人氣行於陰藏亦如陽之行
二十五周而復合於目據此則日字當係目字傳寫之誤 是故日行一

舍人氣行三陽與陰分常如是無已與天地同紀紛

紛紛紛紛終而復始一日一夜下水百刻而盡矣紛字云反

患反謂衛氣行身不息紛紛紛紛無有窮期也 平按紛紛原鈔作紛紛查紛紛
方文切日光也紛紛普巴切謂雜亂紛紛也與注無有窮期之義近靈樞甲乙均
作紛紛注均云普巴切擬作紛紛又甲乙盡矣下有故曰刺實者刺其
來刺虛者刺其去此言氣之存亡之時以候虛實而刺之也三十字

黃帝內經太素卷第十二

營衛氣

黃陂蕭貞昌校字

黃帝內經太素卷第十三

身度

通直郎守太子文學臣楊上善奉 敕撰注

黃陂蕭延平北承甫校正

經筋

骨度

腸度

脈度

經筋

平按此篇自篇首至末見靈樞卷四第十
三經筋篇又見甲乙經卷二第六經筋篇

足大陽之筋起於小指之上結於踝邪上結於膝其
下者循足外側結於踵上循根結於臑其別者結於

膈外上膈中內廉與膈中并上結於臀上俠脊上項
其支者別入結於舌本其直者結於枕骨上頭下顏
結於鼻其支者為目上綱下結於眦其下支者從掖
後外廉結於肩髃其支者入掖下上出缺盆上結於
完骨其支者出缺盆邪上出於眦十二經筋與十二經脈俱稟三陰三陽行於手足故分為
十二但十二經脈主於血氣內營五藏六府外營頭身四支十二經筋內行胸腹郭中不入五藏六府脈有經脈絡脈筋有大筋小筋膜筋十二經筋起處與
十二經脈流注並起於四末然所起處有同有別其有起維筋緩筋等皆是大筋別名凡十二筋起處結處及循結之處皆撰為圖畫示人上具如別傳小指
上謂足指表上也結曲也筋行迴曲之處謂之結口結經脈有卻筋有結也顏
眉上也下結於眦眦中出氣之孔謂之鼻也鼻形謂之眦也平按小指上靈
樞甲乙有足字邪甲乙作斜依靈樞作挾顏甲乙作額眦靈樞作頰
出於眦甲乙作入於眦注俱稟袁刻誤作同稟膜筋袁刻誤作膜筋
其病小
指支跟踵痛膈攣脊反折項筋急肩不舉掖支缺盆

紐痛不可左右搖

紐女巾反謂轉展痛也 甲乙有急字紐靈樞甲乙均作紐

治在燔鍼

却刺

病脈言鍼灸之言筋病但言燔鍼者但鍼灸湯藥之道多通療百病然所便非無偏用之要也

以知為數

所以惟知病差

為鍼度數如病筋痛一度却刺不差可三四度量其病差為數也

以痛為輸

輸謂孔穴也言筋但以筋之所痛之處即為孔穴不必差

須依諸輸也以筋為陰陽氣之所資中無有空不得通於陰陽之氣上下往來然邪入腠襲筋為病不能移輸遂以病居痛處為輸故曰筋者無陰無陽無左

無右以候痛也明堂依穴療筋病者此乃依脈引筋氣也

名曰仲春痺

聖人南面而立上覆於天下載於地總法於道造化萬物故人

法四大而生所以人身俱應四大故正月即是少陽以陽始起故曰少陽六月少陽以陽衰少故曰少陽二月大陽以其陽大故曰大陽五月大陽以陽正大

故曰大陽三月四月陽明二陽相合故曰陽明十二經筋感寒溼風三種之氣所生諸病皆曰筋痺筋痺燔鍼為當故偏用之餘脈肉皮筋等痺所宜各異也

足少陽之筋起於小指次指之上上結外踝上循肝

外廉結於膝外廉其支者起於外輔骨上走髀前者

結於伏菟之上後者結於尻

其支者起外輔骨凡有二支也故前支上結伏菟後支上走髀結於

尻前也 平按次指下靈樞無之上二字 其直者上眇乘季脇上走

按前廉繫於膺乳結於缺盆 眇季脇下也以沼反 平 其直

者上出掖貫缺盆出太陽之前循耳後上額角交顛上

下走頤上結於顛其支者結目外眥為外維其病足小

指次指支轉筋引膝外轉筋膝不可屈伸膈中筋急前

引髀後引尻上乘眇季脇痛上引缺盆膺乳頸 外維太陽 為目上綱

陽明為目下綱少陽為目外維 平按靈樞顛作煩結目外眥 維筋急從

左之右右目不可開 此筋本起於足至項上而交至左右目故左箱有 病引右箱目不得開右箱有病引左箱目不得開

也 上過右角並喬脈而行左絡於右故傷左角右足不

用命曰維筋相交治在燔鍼劫刺以知為數以痛為

輸名曰孟春痺

喬脈至於目眚故此筋交顙左右下於目眚與之並行也筋既交於左右故傷左額角右足不用傷右額角左

足不用以此維筋相交故也

足陽明之筋起於中三指結於跗上邪外

上加於輔骨上結於膝外廉直上結於髀樞上循脇

屬脊

刺瘡者刺足陽明十指間是知足陽明脈入於中指內開外開脈氣三指俱有故筋起於中指并中指左右二指故曰中三指也有本無三字

髀骨如白髀骨如樞髀轉於中故曰髀樞也

其直者上循髀結於膝其支者結於

外輔骨合於少陽直者上循伏菟上結於髀聚於陰

器上腹而布至缺盆結

布謂分布也至缺盆結靈樞甲乙作至

平按靈樞甲乙作至缺盆而結

上

頸上俠口合於歛下結於鼻上合於大陽為目上綱

陽明則為目下綱其支者從頰結於耳前

大陽為目上綱故得上眚動也

陽明為目下綱故得下眚動也

其病足中指支髀轉筋腳跳堅伏菟轉筋

脾前腫頰疝腹筋急引缺盆頰口卒噤急者目不合

熱則筋施縱目不開

寒則目綱上下拘急故開不得合也熱則上下緩縱故合不得開噤音僻平按筋靈樞作脛

甲乙同類靈樞作瘰腹筋急甲乙作腹筋乃急頰口靈樞甲乙作及頰筋有頰卒噤作卒口僻靈樞縱上無施字詳袁刻作僻下同據原本更正

寒則急引頰移口有熱則筋施縱緩不勝故噤

足陽明筋俠口

過頰故曰頰筋移謂引口離常處也不勝謂熱不勝其寒所以緩口移去故噤僻也平按緩不勝靈樞甲乙作不勝收

治之以馬膏

膏其急者以白酒和桂以塗其緩者

馬為金畜剋木筋也故馬膏療筋急病也桂酒

伐熱故可療緩筋也

以桑鉤鉤之即以生桑炭置之坎中高下與

坐等以膏慰急頰且飲美酒噉美炙不飲酒者自強

也為之三拊而已治在燔鍼劫刺以知為數以痛為

輸名曰季春痺

以新桑木麓細如指以繩繫之拘其緩箱挽急箱仍於壁上為坎令與坐等坎中生桑炭火以馬膏塗其急箱猶

須飲酒噉炙和其寒溫如此摩捫飲噉為之至三自得中平敢徒敢反拊摩也
音撫 平按灸靈樞甲乙作交敢甲乙作啖美炙靈樞作美炙肉甲乙作炙肉

注靈表 刻作剗足太陰之筋起於大指之端內側上結於內踝

其直者上結於膝內輔骨膝內下小骨輔大骨者長三寸半名為內輔骨也 平按上結於膝靈樞甲乙

作上絡 於膝上循陰股結於髀聚於陰器陰器宗筋所聚也上腹結於

齊循腹裏結於脇散於胸中其內者著於脊循腹裏即別著脊也

平按脇 靈樞作肋其病足大指支內踝痛轉筋痛膝內輔痛陰

股引髀而痛陰器紐痛上引齊與兩脇痛引膺中與

脊內痛治在燔鍼劫刺以知為數以痛為輸名曰仲

秋痺七月足之少陰始起故曰少陰十二月手之少陰以其陰衰故曰少陰八月足之大陰以其陰大故曰大陰十一月手之大陰以其陰正大故

曰大陰九月足之厥陰十月手之厥陰交盡故曰厥陰八月之筋感三氣之病名曰筋痺有本以足大陰為孟春足少陰為仲秋誤耳 平按內輔下靈樞甲

乙有骨字級均作紐上引齊與兩脇痛甲乙作上臍兩筋痛仲秋靈樞作孟秋甲乙同本注孟春恐係孟秋傳寫之誤

足少陰之筋

起於小指之下並大陰之筋邪走內踝之下結於踝

與足大陰之筋合而上結於內輔之下

平按並上甲乙有入足心三字並下靈樞

有足字結於踝靈樞甲乙

踝作踵足大陰均作大陽並大陰之筋而上循陰股結於陰

器循脊內俠膂上至項結於枕骨與足太陽之筋合

其病足下轉筋及所過而結者皆痛及轉筋病在此

者主癰癩及瘰在外者不能俛在內者不能仰故陽

病者腰反折不能俛陰病者不能仰

癰充曳反瘰擊并反身強急也在此謂在足少

陰也在小兒稱癰在人大人多稱癰背為外為陽也腹為內為陰也故病在背筋筋急故不得低頭也病在腹筋筋急不得仰身也平按循脊內俠膂甲乙作

循脊內俠膂醫統靈樞作癰道藏本靈樞作瘰甲乙同瘰靈樞作瘰

治在燔鍼劫刺以知為數以

痛為輸在內者熨引飲藥

痛在皮膚筋骨外者可療以燔鍼病在腹胸內者宜用熨法及道引並飲湯液

藥等也

此筋折紆發數甚者死不治名曰孟秋痺

其筋轉痛輕而可為

燔鍼若折曲紆發之甚死而不療也 平按靈樞甲乙經均作紆紐二字孟秋均作仲秋發袁刻誤作緩

足厥陰之筋起於

大指之上上結於內踝之前上循脛上結於內輔之

下上循陰股結於陰器結絡諸筋

足三陰及足陽明筋皆聚

陰器名曰宗筋也 平按上循脛甲乙作上

衝筋結絡諸筋靈樞無絡字筋甲乙作經

其病足大指支內踝之

前痛內輔痛陰股痛轉筋陰器不用傷於內則不起

傷於寒則陰縮入傷於熱則縱挺不收治在行水清

陰氣其病筋者燔鍼劫刺以知為數以痛為輸名曰

季秋痺

婦人挺長為病丈夫挺不收為病陰氣即丈夫陰氣謂陽氣虛也

陽氣虛故縮或不收得陰即愈也 平按陰氣甲乙作陰器其病

筋者靈樞甲乙病下有轉
字燔上均有治則二字

手太陽之筋起於小指之上上結

於腕上循臂內廉結於肘內兌骨之後彈之應於小

指之上上入結於掖下

手小指表名上肘兌謂肘內
箱尖骨名曰兌骨應引也

其支者後

走掖後廉上繞肩甲循頸出足太陽之筋前結於耳

後完骨其支者入耳中其直者出耳上下結於頰

含威反

平按後走掖後廉甲乙作從掖走後廉上繞肩
甲作上繞膈外廉上肩胛顙靈樞甲乙均作頰

上屬目外眥其病手

小指支痛肘內兌骨後廉痛循臂陰入掖下掖下痛

掖後廉痛繞肩肩甲引頸而痛應耳中鳴痛引頰目

瞑良久乃能視

臂膈肉為臂陰也瞑目閉也音
眠平按支痛二字甲乙作及

頸筋急則為筋

痿頸腫寒熱在頸者治在燔鍼劫刺以知為數以痛

爲輸其爲腫者傷而兌之其支者上曲耳循耳前屬目外眥上額結於角其病當所過者支轉筋治在燔

鍼劫刺以知爲數以痛爲輸名曰仲夏痺

筋痿此之謂也筋痿頸腫者皆

是寒熱之氣也故療寒熱筋痿頸腫者可以鍼傷於兌骨後彈應小指之處兌之令盡兌尖銳盡端也或爲傷復也六月手之少陽正月足之少陽五月手之太陽二月足之太陽四月手之陽明三月足之陽明筋於此時感氣爲病故曰仲夏等痺也平按頸筋急頸腫頸字袁刻作頭靈樞甲乙均作頸傷均作復

上曲耳耳字靈樞作牙甲乙注同又注筋痿袁刻痿誤作癢

手少陽之筋起於小指次指之

端結於腕上循臂結於肘上繞臑外廉上肩走頸合

手大陽其支者當曲頰入繫舌本其支者上曲耳循

耳前屬目外眥上乘頰結於角其病當所過者支轉

筋舌卷治在燔鍼劫刺以知爲數以痛爲輸名曰季

夏痺

曲頰在頰曲骨端足少陽筋循頰向曲頰後當曲頰入繫舌本謂當風府下舌根後故風府一名舌本也 平按腕上趙府本靈樞作腕中曲

耳靈樞甲乙作曲牙頰均作頰其病衰刻誤作是病

手陽明之筋起於大指次指之端

結於腕上循臂上結於肘外上臑結於髀其支者繞

肩甲俠脊直者從肩髃上頸其支者上頰結於髻

肩角也音隅又音偶也 平按肘外甲乙無外字上臑作上繞臑肩甲靈樞甲乙均作肩胛

其直者上出手大

陽之前上左角絡頭下右頰其病當所過者支痛及

轉筋肩不舉頸不可左右視治在燔鍼劫刺以知為

數以痛為輸名曰孟夏痺

其筋左右交絡故不得左右顧視今經不言上右角絡頭下左顧或可但言一

邊也 平按頰靈樞甲乙均作頰支下甲乙無痛及二字

手大陰之筋起於大指之上循指

上行結於魚後

大指表名為上循手向胸為上行寸口外側上行也 平按魚下甲乙有際字

循臂結於肘中上臑內廉入掖下出缺盆結肩前髃

上結缺盆

並大陰脈行故在臑也肩端之骨名肩髃是則在後骨之前即肩前髃也

下絡胸裏散貫

賁合賁下下抵季肋

賁謂膈也筋雖不入藏府仍散於膈也平按合賁下甲乙作合脇下下抵季肋靈樞作抵季

脇其病當所過者支轉筋痛其成息賁者脇急吐血

治在燔鍼劫刺以知為數以痛為輸

息謂喘息肺之積名息賁在右脇下大如杯久

不愈令人洒淅振寒熱喘發肺癰也

名曰仲冬痺

十二月手之少陰七月足之少陰十

平按其成息賁者靈樞甲乙作甚成息賁為病名為仲冬痺也十二經脈足之三陰三陽配十二月手之三陰三陽配甲

乙等數與此十二經筋不同良以陰陽之氣成物無方故耳

手心主之筋起於中指與大陰

之筋並行結於肘內廉上臂陰結掖下下散前後俠

脇其支者入掖下散胸中結於賁

結於膈也平按與太陰之筋並行甲乙作與大陽

之經並行黃靈樞甲乙均作臂其病當所過者支轉筋及胸痛息責治在

燔鍼劫刺以知為數以痛為輸名曰孟冬痺當此筋所過之處為痺即

是所行之筋為病也 平按轉筋下靈手少陰之筋起於小指之

內側結於兌骨上結肘內廉上入掖交太陰伏乳裏

結於胸中循責兌骨謂掌後當小指下尖骨也交手太陰已伏於乳房之裏然後結於胸也 平按靈樞甲乙伏乳作挾乳循

責作下繫於齊其病內急心承伏梁下為肘綱其病當

所過者則支轉筋筋痛治在燔鍼劫刺以知為數以

痛為輸其成伏梁唾膿血者死不治心之積名曰伏梁起齊上如臂上至心下其筋循膈下齊

在此痛下故曰承也人肘屈伸以此筋為網維故曰肘綱也 平按唾甲乙作吐經筋之病寒則筋急熱

則施縱不收陰萎不用也凡十二經筋寒則急熱則縱不用之也 平按寒則下靈樞有反折二字甲乙

同陽急則反折陰急則俛不伸人背為陽腹為陰故在陽之筋急者反折也在陰之筋急則俛

而不燂刺者刺寒急熱則筋縱毋用燔鍼燂十內反謂燒鍼刺之也問曰熱病

皆有行灸筋熱為病何以不用火鍼答曰皮肉受於熱病脈通而易故須行灸筋自受病通之為難寒熱自在於筋病以痛為輸不依餘輸也平按燂下靈

樞甲乙有不收二字鍼經筋之病下總論十二經筋名曰季冬痺此之一句屬手少陰筋也足之

陽明手之大陽筋急則口目為辟目眚急不能卒視

治皆如右方檢手太陽有耳中鳴引頷目瞤之言無口目辟亦可引頷即口目辟也皆用前方寒急燂刺也平按辟靈樞作辟甲乙

作僻背上靈樞無目字

骨度平按此篇自篇首至末見靈樞卷四第十四骨度篇又見甲乙經卷二第七骨度腸度腸胃所受篇

黃帝問伯高曰脈度言脈之長短何以立之也脈度謂三陰三陽之

脈所起之度但不知長短也平按言伯高曰先度其骨節之小脈之長短靈樞甲乙作言經脈之長短

大廣狹長短而脈度定矣

人之皮肉可肥瘦增減骨節之度不可延縮故欲定脈之長短先言骨度也

黃帝問曰願聞衆人之度人長七尺五寸者其骨節

之大小長短各幾何

聖人賢人及無別與分者之外衆人之骨度量多同故請衆人之度及請中度之人大小長短

也乎按甲乙無願聞衆人之度六字各有知字伯高答曰頭之大骨圍二尺六寸

人之中又為三等七尺六寸以上名為大人七尺四寸以下名為小人七尺五寸

名為中人今以中人為法則大人小人皆以為定何者取一合七尺五寸人身

量之合有七十五分則七尺六寸以上大人亦准為七十五分七尺四寸以下

乃至嬰兒亦准七十五分以此為定分立經脈長短並取空穴自頸項骨以上

為頭顱骨以為頭大骨胸圍四尺五寸缺盆以下髑髏以上為胸當中

也當其處以繩圍也髑字傳寫之誤查蔽心者為髑髏亦曰腰圍四尺二寸當二十一椎腰

髮所覆者顱至項長尺二寸頭顱骨取髮所覆之處前後量也髮

以下至頤長一尺君子參折

髮際以下至頤端量之一尺一尺面分中分為三三分謂天地人君子三

分齊等與衆人不同也參三也 平按參折 靈樞作終折甲乙作參注云又作三又作終 結喉以下至缺盆中長

四寸 頭端橫當結喉端也結喉 缺盆以下至髑髀長九寸 中至髑

髀皮際量也 平按髑髀說見前靈樞注云音 過則肺大不滿則肺小

心肺俱在胸中心在腧 腧以下至天樞長八寸 天樞俠齊故量

肺間故不言大小也 骨 骨以下至天樞長八寸 髑髀下但八寸過

則胃大不滿則胃小 八寸之中亦有脾藏以其 天樞以下至橫

骨長六寸半過則迴腸廣長不滿則短 橫骨在陰上橫骨

當齊小腸在後附脊齊上故不言之 橫骨長六寸半 橫量

也 平按靈樞甲乙則短作則狹短 下至內 輔之上廉長一尺八寸

內輔膝下內箱骨輔脛也 平按下至內輔 之上廉靈樞甲乙作橫骨上廉以下至內輔

之上廉注脛 內輔之上廉以下至下廉長三寸半 內輔骨長

袁刻誤作頸 內輔之下廉以下至內踝長尺三寸內踝以下至地

長三寸內踝端膝腠以下至跗屬長尺六寸跗屬以下至

地長三寸從膝以下當膝後曲處量也故骨圍大則大過小則不及故頭骨圍

大則過於身骨頭骨圍小不及身骨也角以下至柱骨長一尺缺盆左右箱上下高骨名曰柱骨後額角至此

柱骨端合有一尺與頭端齊也行掖中不見者長四寸排手而行取掖下不見處

以上至柱骨四寸也掖以下至季脇長尺二寸季脇曰季脇季脇以下至

髀樞長六寸尻髀二骨相接之處名曰髀樞髀樞以下至膝中長尺九寸當膝

側膝以下至外踝長尺六寸至外踝之中也外踝以下至京骨長三

寸京骨以下至地長一寸外踝下如前高骨名曰京骨耳後當完骨者廣

九寸耳前當耳門者廣尺三寸頭顱圍有二尺六寸此完骨相去九寸耳門相去尺三寸合有二尺二寸小四

寸者各取完骨之前至耳二寸兩箱合有四寸並前即有二尺六寸兩顙經不言之也平按廣尺三寸甲乙作廣一尺二寸注云一作三寸

之間相去七寸兩乳之間廣九寸半兩髀之間廣六

寸半

兩顙兩乳取其端兩髀取中也 平按原鈔本兩顙右旁有顙巨莫反頰骨也七字恐係後人校記非楊注

足長尺二

寸廣四寸半

取足中指至足跟端量之以取長也以尺二長中折處橫量之以取廣也

肩至肘長尺七寸

從肩端至肘端量也

肘至腕長尺二寸半

肘端至腕腕者臂手相接之處

腕至中指本節

長四寸

指有三節此為下節故曰本節

本節至其末長四寸半

從本節端至中指末合四寸半今人

取手大指第一節為寸以定鍼灸分寸者不相當也

項髮以下至脊骨長三寸半

從後髮際

下至脊端量之也

平按脊靈樞作背甲乙作脊三寸半靈樞作二寸半甲乙注云一作二寸

脊骨以下至尾骶二

十節長三尺

每七節長一尺也故二十一節長三尺也下文具之

上節長一寸四分

分之一奇分在下

舉上一節以為例餘皆同也分之一者一寸□□之外更有餘分之一也其實則七分之二也 平按分之二

一奇分在下甲乙作分之二奇分之一注

故上七節下至於脊骨

九寸八分分之七

此七節之數也每節一寸四分分之一故七節得九寸八分分之七其實一尺全也何者每節餘分七分

分之二七節有餘分十四以七除十四得二分二分並九寸八分故為一尺也

此衆人之骨度也所以立

經脉之長短也

此為衆人骨度多同者為准以立經脉長短也

是故視其經絡之在

於身也其見浮而堅者其見明而大者多血細而沈

者少氣也

見而浮堅者絡脉也見而明大者血盛也細而沈者少氣少血或作多氣也平按少氣靈樞甲乙作多氣注見而明大袁刻

誤作其見明而大

腸度

平按此篇自篇首至三十二曲見靈樞卷六第三十一腸胃篇自黃帝曰願聞人之不食至末見靈樞卷六第三十二平人絕穀篇甲乙同上

篇

黃帝問伯高曰余願聞六府傳穀者腸胃之大小長

短受穀之多少奈何

三焦府傳於穀氣膈府受於骨精三腸及胃傳穀糟粕傳糟粕者行穀之要故腸胃有六種之

別者伯高答曰請盡言之穀之所從出入淺深遠近長

短之度

黃帝問六種也外更請說四種故曰盡言之也穀行從口曰入從肛曰出自脣至齒為淺從咽至腸曰深穀至於胃曰近從胃向臍

曰遠腸十六曲曰長咽一尺六寸曰短也

脣至齒長九分口廣二寸半齒以後

至會厭深三寸半大容五合

會厭舌後喉嚨上出氣入鼻孔之孔上有肉厭蓋孔開闔氣之出入也

咽大二寸半至胃長一尺六寸

咽會厭後下食孔也下至胃長一尺六寸平按咽上靈樞有

舌重十兩長七寸廣二寸半十一字咽下有門重十兩四字大作廣甲乙同二寸半靈樞作一寸半至胃長一尺六寸原鈔長字上脫至胃二字長字下脫一尺二字謹依靈樞甲乙補入胃紆曲屈伸之長二尺六寸大一尺五寸徑

五寸大容三斗

胃中央大兩頭小伸而度之二尺六寸也圍之有一尺五寸曰大量徑有五寸也容水穀三斗也平按大容

三斗靈樞作二斗五升甲乙作三斗五升注云一作二

小腸後傳脊左環葉積其注於

迴腸者外傳於齊上迴運環反十六曲大二寸半徑

八分分之少半長三丈二尺

傳附也糟粕從胃傳入小腸小腸附脊外注迴腸於齊上也 平按傳靈

樞甲乙均作附葉積靈樞作迴周疊積甲乙作迴周葉積

迴腸當齊左環迴周葉積而下迴

運環反十六曲大四寸徑一寸少半長二丈一尺

迴腸大腸也小

腸附脊而在後大腸近齊而在前故大腸輸在上小腸輸在其下也 平按少半上靈樞甲乙有寸之二字

廣腸傳脊以受

迴腸左環葉積上下辟大八寸徑二寸大半長二尺八寸

廣腸白臚也附脊以受大腸糟粕辟着脊也謂白臚當中寬八寸上受大腸之處下出賤處皆徑有二寸半總長二尺八寸也 平按葉積靈樞作葉脊大半

上靈樞甲乙

腸胃所入至所出長六丈四寸四分

咽之上口為所入廣

腸之下以為所出脣齒相去九分齒與會厭相去三寸半會厭至胃咽長一尺六寸胃之終始長二尺六寸小腸終始長二丈一尺廣腸終始長二尺八寸故

有六丈四寸四分也 平按注小腸終始下原鈔作長二丈一尺檢上文經云小腸長三丈二尺迴腸長二丈一尺應於小腸終始下補注長三丈二尺迴腸

終始九字方與經文六丈四寸四分之數合富係傳鈔脫此九字也

其迴曲環反三十二曲

胃有一曲小腸十六曲大

腸十六曲合而言之計有三十三曲其胃大曲短不入其數故有三十二曲皆以七尺五寸中度之人為准也黃帝曰願聞人

之不食七日而死其故何也七日不食而死餘時之言既聞腸胃大小未知所盛水穀多少而盡至七日而死

伯高曰臣請言其故胃大尺五寸徑五寸長二尺六寸橫屈受三斗其中之穀常留者二斗水一斗

而滿故事所由水穀合有三斗滿於胃中也平按橫屈受三斗靈樞甲乙作橫屈受水穀三斗五升水一斗而滿均作水一斗五升而滿

焦泄氣出其精微慄悍滑疾上焦之氣從胃上口而出其氣精微慄悍滑疾晝夜行身五十周即

衛氣也平按上焦下原缺一字依靈樞甲乙補作泄袁刻作中焦二字又注上焦袁刻作二焦均與原鈔不合下焦下既諸

腸下焦別迴腸注膀胱譬之溝瀆下既諸腸膀胱為黑腸及廣腸等也平按諸腸甲乙作世諸小腸小腸大二寸半

徑八分分之少半長三丈二尺受一斗三合合之大

半穀四升水六升三合合之大半一二為三則二為大半一為少半也平按受一斗三合

內經十二

合之大半穀四升十二字靈樞
甲乙作受穀二斗四升六字
迴腸大四寸徑一寸
平按靈樞甲乙有寸之二字

少半長二丈一尺受一斗七升升之半穀一斗水七

升升之半
升之半半升也 平按受一斗七升升之半穀一斗水七
廣

腸大八寸徑二寸大半長二尺八寸受九升三合八

分合之一
廣腸受水穀之數也 平按靈樞大半
腸胃之長凡長

六丈四寸四分受水穀六斗六升六合八分合之一

此腸胃所受水穀之數
計腸胃所受之數垂升之半合之大半也 平按六丈四寸四分靈樞甲乙作五丈八尺

四寸受水穀六斗六升六合八分合之一作受水穀九斗
平人則不然

胃滿則腸虛腸滿則胃虛更滿更虛故氣得上下
前之所論

乃據腸胃之量 受數若言生平之人則腸胃之中盈虛更起不得一時則有
前數也食滿胃中則胃實腸虛也腸虛故氣得下也糟入腸中則胃虛腸實也

胃虛故氣得上也以其腸胃益虛氣得上下之也平按注量下所缺一字謹擬作容**五藏安定**欲資水穀之味故

之氣故待虛也氣味**血脈和利**氣味通於上**精神乃居**藏安脈和則

內和故五藏安定也**故神者水穀之精氣**水穀精氣資成五神**故腸胃之中**

常留穀二斗四升水一斗一升計腸胃所受六斗六升六合八

三斗五升也 平按穀二斗四升靈樞作二斗水一斗一**故平人日再後**

升靈樞作一斗五升甲乙作穀二斗四升水一斗五升**後二升半一日中五升七日五七三斗五升而留水**

穀盡矣再後五升還須資食合有三斗五升若一日不食後五升者**故**

平人不飲食七日而死者水穀精氣津液皆盡矣故

七日而死矣命門所藏謂之精也上焦宣五穀味薰膚充身澤毛如霧露

屬屈伸淖澤補益髓腦皮膚潤澤謂之為液水穀既盡精氣津液**四物**盡故七日死 平按注四物下所缺一字謹依經文作皆

脈度乎按此篇自篇首至末見靈樞卷四第十

黃帝問曰願聞脈度先言骨度及腸胃度大小長短於前次當依

岐伯曰手足之六陽從手至頭五尺手陽明大腸脉

脈手少陽三焦脉也三脉分在兩手故有六脉餘倣此各依營行次第手之三

陰足之三陽皆從內起向於手足手之三陽足之三陰皆從外起向於頭此

數手足之脉長短故皆從手足向內數之與手脉十二經流注入身數

亦同也 平按手足之六陽靈樞甲乙均無足字疑衍注向於頭下原缺一字

左方剝月旁依經文足之三陰從足走腹擬作腹袁刻 五六三丈計手六

作項恐未安與手下原缺三字謹擬作足外起三字 手之六陰從

端至目循骨度直行得有五尺不取循繞並下入缺盆屬腸

胃者循骨度為數去其覆迴行者及與支別故有三丈也

手至胸中三尺五寸三六丈八尺五六三尺手大陰肺脉

脉也手心主心包絡脉也手之三陰皆亦直循骨度從手至胸三尺五

寸不取下入屬藏絡府之者少陰從心系上係目系及支別者亦不取

丈一尺足之六陽從足至頂八尺六八四丈八尺足陽

明胃

脈也足大陽膀胱脈也足少陽膽脈也計人骨度從地至頂七尺五寸所謂八尺者何以其足六陽脈從足指端當至踝五寸故有八尺也亦不取府藏及支

別矣足之六陰從足至胸中六尺五寸六六三丈六尺

五六三尺至胸中六尺五寸太陰少陰俱至舌下厥陰至頂及入藏府

數之也平按注足少陰上原缺六字擬作足太陰脾脈也六字袁

刻將太陰脾脈補在六陰二字之上陰下復脫脈字與原鈔不合又藏府下原

缺五字謹依上下注作與支別亦不五字袁刻於

此處既不闕文復脫數之也三字與原鈔不合凡三丈九尺喬脈

從足至目七尺五寸二七丈四尺二五二尺也起處終處

長短是同也按中人七尺五寸二喬脈皆起跟中上

五寸若為合數然二喬至目內眥與足大陽合上行絡左右額角故得合數檢

少陽筋即知也平按注是同下原缺四字袁刻只空二格不合五寸下原鈔

直接二喬無缺文袁刻空七格不合跟中上三字下原鈔缺四字謹依陰陽喬

脈篇擬作至目內眥四字袁刻只空二格不合又額角額

字袁刻誤作額故得合數得字誤作為均依原本更正凡一丈五尺

督脈任脈各四尺五寸二四八尺二五一尺

至頭任脈唯至兩目之下督脈上行至目復上
 與任脈不同若為皆有四尺五寸然任脈
 者督脈取其起於下極之故
 入數 平按注上行至頭上原缺入字謹依督脈篇擬作督脈起於少腹以下
 八字極軀上原缺六字謹依督脈篇擬作顛別下項至下六字然任脈下
 原缺五字謹擬作取其起胞中五字故下原缺一字謹依督脈篇擬作俠

九尺凡都合十六丈二尺此氣之大經隧也經脈為

裏支而橫者為絡絡之別者為孫絡孫絡之盛而有

血者疾誅之盛者徐寫之虛者以藥以補之

人之血脈上
下縱者為經

支而橫者為緯
 十八脈在膚肉之裏皆上下行名曰經脈十五絡脈及
 緯名曰絡脈皆是血氣所
 法血去血虛虛不可不禁也
 本經上文應作凡九尺三字為孫下靈樞無絡孫絡之四字為上無徐字注為
 緯下原缺二字擬作凡手二字袁刻空六格不合任脈下原缺三字擬作督脈
 合三字袁刻空五格不合及下原缺一字擬作別袁刻空四格
 不合所下原缺三字擬作貫注故三字袁刻空五格不合

黃帝內經太素卷第十三

身度

黃陂蕭貞昌校字

黃帝內經太素卷第十四

診候一

通直郎守太子文學臣楊上善奉 敕撰注

黃陂蕭延平壯承甫校正

平按此篇自形氣相得者生以上殘缺袁刻據素問三部九候論自黃帝問曰余聞九鍼於夫子至胸中多氣者死補入檢素問原文自上部天至下部人足太陰也一段詳本書篇末乃宋臣林億等所移玩素問新校正自明此篇若據素問篇首補入則上部天至下部人足太陰也一段未免重複茲據素問及甲乙經帝曰決死生奈何以下補入證以新校正云全元起本名此篇為決死生於義亦合自形義相得以下見素問卷六第二十三部九候論又見甲乙經卷四第三三部九候論

帝曰決死生奈何岐伯曰形盛脈細少氣不足以息

者危形瘦脈大胸中多氣者死以上從素問及甲乙經三部九候論補入形氣

相得者生形盛氣盛形瘦氣細者得生三也參伍不調者病謂其人形氣有時相得有時不相得參類

品伍不得調者
其人有病四也

以三部九候皆相失者死

三部九候不得齊一各不同相失故死五也

平按素問
甲乙無以字

上下左右之脈相應參春者病甚

三部九候之脈動若引繩

□前後也今三部在頭為上三部在足為下左手三部為左右手三部為右脈之相應參動上下左右更起更息氣有來去如確春不得齊一又春其脈上

下參動也東恭反所以病甚六也
平按素問甲乙參上有如字

上下左右相失不可數者死

上下左右脈動各無次第數動脈不可得者脈亂故死七也

中部之候雖獨調與眾藏相失

者死

肺心胸中以為中部診手太陰手陽明手少陰呼吸三脈調和與上下部諸藏之脈不相得者為死八也
平按眾袁刻作諸

中部

之候相減者死

中部手太陰手陽明手少陰三脈動數一多一少不相同者為死九也

目內陷者死

五藏之精皆在於目故五藏敗者為目先陷為死也以上十候決死生也
所在在於死生與決死生亦不易也但決有多端故復問也

黃帝曰何以知病之所在岐伯對曰察其九候獨小者病

獨大者病獨疾者病獨遲者病獨熱者病獨寒者病

脈獨陷者病

以次復有一十八候獨小大等即為七也九候之脈上下左右均調若一故偏獨者為病也

無其字

以左手上去踝五寸而按之右手當踝而彈之

其應過五寸已上需然者不病

脈和調也人當內踝之上足大陰脈見上行至內踝上八寸交

出厥陰之後其脈行胃氣於五藏故於踝上五寸以左手按之右手當踝彈之左手下需調動其人不病為候八也需需動不盛也需而勉反平按素問左手下有足字甲乙有於左足三字按之上素問無而字下有庶字右手下有足字素問問甲乙作蠕蠕又檢素問宋臣林億等引全元起注云內踝之上陰交之出通於膀胱係於腎腎為命門是以取之以明吉凶今文少一而字多一庶字及足字王注以手足皆取為解殊為穿鑿當從全元起注舊本及甲乙經為正

其應疾中手渾渾然者病

彈之左手之下渾渾然者病其候九也

中手徐

徐者病其應上不能至五寸者彈之不應者死

足大陰血氣微

弱彈之徐徐者有病不至五寸不應其手者

脫肉身不去者死

去者行也

為死十也平按徐徐下素問甲乙有然字

脫肉羸瘦身弱不能行者為死十一也

中部乍疏乍數

無不字據本注應有素問甲乙均作不去謹補入

者死

中部謂手太陰手陽明手少陰乍有疎數為死十二也

其脈代而勾者病在絡脈

中部

之脈手太陰秋脈也手少陰夏脈也秋脈王時得於脾脈土來乘金名曰虛邪故為病也夏脈王時得脾脈者土來乘火名曰實邪故為病也夏脈其病皆在絡脈可刺去血為病十三也

平

九候之相應也上下若一不

得相失

一候後則病二候後則病甚三候後則病危

所謂後者應不俱也察其病藏以知死生之期

九候上

相應若一不得相失忽然八候相應俱動一候在後即有一失故病二候在後

不與七候俱動即為二失故病甚也三候在後不與六候俱動即為三失故病

危也三候在後為病宜各察之是何藏之候候之即知所候之藏病有聞甚

死生之期三候在後為病有三失為十六也

平按素問甲乙病藏作府藏

必先知經脈然後知病脈真藏脈見勝者死

欲依九候

先知十二經脈及諸絡脈行所在然後取於九候候諸病脈有真藏脈無胃氣之柔獨勝必當有死為十七也

平按勝者死素問作者勝死甲乙作者邪勝死也五字注無胃氣

無字袁刻誤作見

足大陽氣絕者其足不可屈伸死必

戴眼

足大陽脈從目絡頭至足故其脈絕脚不屈伸戴目而死為十八也

黃帝曰冬陰夏陽奈何

九候之脈並沈細絕微為陰也然極於冬分故曰冬陰九候之脈盛躁喘數故為陽也極於夏分故曰夏陽請陳其理也岐伯對曰九

候之脈皆沈細懸絕者為陰主冬故以夜半死

深按得之曰沈

動猶引線曰細來如斷繩故曰懸絕九候之脈皆如此者陰氣勝陽氣外絕陰氣獨行有裏無表死之於冬陰極時也夜半死者陰極時也此一診也

盛躁而喘數者為陽主夏以日中死

其氣洪大曰盛去來動疾曰躁因喘數而疾故

曰喘數九候皆如此者皆陽氣勝陰氣內絕陽氣獨行有表無裏死之於夏陽極時也日中死者陽極時也此為二診

是故寒熱

者以平旦死

脾病寒熱死於平旦平旦木也木剋於土故脾病至平旦死此為三診也 平按是故寒熱者以平旦死九字原鈔

在注二診下均作小字混入注中應據素問甲乙作經方與本注三診之義合袁刻於九字中依素問甲乙加一病字作大字移刻與上經文以日中死相連復於二診下仍存此九字於注中既嫌重複亦失真相茲於注二診下將原鈔小字改書大字作經庶上注二診下注三診眉目朗然又寒熱下素問甲乙有病字寒熱上甲乙無是故二字 熱中及熱病以日中死 肺中熱傷寒熱病皆是陽病故死於日中陽極時也

此為四診也

平按病下素問甲乙有

風病者以日夕死

風為肝病酉為金時

者字注日中二字袁刻重極下脫時字

金剋於木故日夕死此為五診也

平按風病素問甲乙作病風

也此為

其脈乍疏乍數乍遲乍疾以日乘四季死

脾者土也王於

六診

四季平和時脈在中宮靜而不見有病見時乍疏乍數故以日

乘四季時死也平按素問疾下有者字無以字甲乙有者字

形肉已脫

九候雖調猶死

土為肉也肉為身主故脈雖調肉脫故死此為七診也平按甲乙調下有者字

七診雖

見九候皆順者不死所言不死者風氣之病及經間

之病似七診之病而非也故言不死若有七診之病

其脈候亦敗者死矣必發噦噫

雖有七診死徵九候之脈順四時者謂之不死言七診見脈順

生者謂風及氣並經脈間有輕之病見徵似於七診非真七診所以脈順得生

若有七診其脈復敗不可得生五藏先壞其人必發噦而死也平按素問順

作從經間素問

必審問其故所始所病與今之所方病

甲乙作經月

病候

之要凡有四種一者望色而知謂之神也二者聽聲而知謂之明也三者尋問而知謂之工也四者切脈而知謂之巧也此問有三一問得病元始謂問四時何時而得飲食男女因何病等二問所病謂問寒熱痛熱痛癢諸苦等三問方病謂問今時病將作種種異也 平按其故所始所病素問甲乙作其所始病

而後切循其脈

先問病之所由然後切循其脈以取其審切謂切割以手按脈分割吉凶循謂以手切脈以心循歷脈動所由

故曰切循其脈也

平按切上素

問有各字注分割袁刻作分別 視其經絡浮沈

經謂十二經並八奇經絡謂十五大絡及

諸孫絡切循之道視其經脈浮沈絡脈浮沈沈者為陰浮者為陽以知病之寒溫也

以上下逆順循之其脈

疾者不病其脈遲者病脈不往來者死皮膚著者死

上謂上部下謂下部亦上謂咽之左右下謂手之左右寸口脈從藏起下向四

支者名之為順脈從四支上向藏者稱之為逆切循上下順逆之脈疾行應數

謂之不病上下有失遲不應數謂之疾也手之三陰為往三陽為來足之三陽

為往三陰為來皆不往來謂之死也人之氣和皮肉相離絕勁強相著者死也

平按順素問甲乙作

黃帝曰其可治者奈何

前帝所言多有死候故問有病可療

從往下甲乙有不字

岐伯對曰經病治其經孫絡病者治其孫絡

以下言有

可療病也邪在經者取其經邪在孫絡取孫絡也

平按素問治其孫絡作治其孫絡血甲乙無二孫字

血病身有痛者

而治其經絡

大經大絡共為血病身體痛者經與大絡皆治之也平按甲乙無血病二字袁刻病誤作痛

真病

者在奇邪奇邪之脈則繆刺之

真正也當藏自受邪病不從傳來故曰正病奇邪謂是大經之

上奇大絡也宜行繆刺左右平取

也平按真病素問甲乙作其病

留瘦不移節而刺

留久也久瘦有病之人不可頻

刺可節量刺之平按

刺下素問甲乙有之字上實下虛者切順之索其經絡脈刺

出其血以通之

上實下虛可循其經絡之脈血之盛者皆刺去其血通而平之平按切上素問甲乙無者字切下有而字順

素問作從以通之素問作以

見通之甲乙作以通其氣

瞳子高者大陽不足戴眼者大

陽絕此決死生之要不可不察也

大陽之脈為目上綱故大陽脈足則目本視也其氣

不足急引其精故瞳子高也其脈若絕驗精痿下

故戴目也此等皆是決生死之大要不可不察也

手指及手外踝上

五寸指間留鍼

前大陽不足及足大陽絕者足大陽脈也此療乃是手大陽脈者以手之大陽上下接於目之內眥故取手之

大陽療目高戴也取手小指端及手外踝上五寸小指之間也 平按留上素問無間字此節素問注謂錯簡文 上部天兩額

之動脈也上部地兩頰之動脈也上部人耳前之動

脈也 上部之天兩額足少陽陽明二脈之動候頭角氣上部之地兩頰足陽

明在大迎中動候口齒氣上部之人目後耳前手大陽手少陽足少陽

三脈在和節中動 中部天手大陰也中部地手陽明也中

部人手少陰也 中部之天手大陰脈動在中府天府俠白尺澤四處以

一難云動在口邊以為候者候大腸氣中部之 下部天足厥陰也下

部地足少陰也下部人足大陰也 下部之天足厥陰脈動在

肝氣下部之地足少陰脈動在大谿一處以候腎氣下部之人足大陰脈動在

中府箕門五里陰廣衝門雲門六處以候脾氣十二經脈手心主無別心藏不

入九候手大陽手少陽足大陽足少陽足陽明此五皆是五藏表經候藏知表

故不入越於九候也 平按自上部天至下部人足太陰也素問新校正依甲

乙經編 次移前

四時脈形

平按此篇自篇首至末見素問卷六第十九玉機真藏論篇又見甲乙經卷四經脈第一上篇

黃帝問岐伯曰春脈如弦何如而弦岐伯曰春脈者

肝脈也東方木也萬物所以始生也故其氣來濡弱

軟虛而滑端直以長故曰弦反此者病

凡人之身與天地陰陽四時之氣皆

同故內身外物雖殊春氣俱發肝氣春王故春脈來比草木初出其若琴弦之調品者不大緩不大急不大虛不大實不濇不曲肝氣亦然濡潤柔弱輕小浮虛輕滑端直而尺部之上長至一寸故比之弦軟如過反黃帝曰何

如而反岐伯曰其氣來實而強此謂大過病在外其

氣來不實而微此謂不及病在中

其春脈堅實勁直名為來實而強此為春脈少陽有

餘邪在膽府少陽故曰在外一曰而弦疑非也其春脈厥陰脈來雖然不實而更微弱此為不足邪在肝藏厥陰故曰在中也黃帝曰春

脈大過與不及其病皆何如岐伯曰大過則令人喜

忘忽忽眩冒而癰疾

春脈大過以邪在膽少陽之脈循胸裏屬

胃而癰也

平按喜忘素問甲乙作善忘新校正云

其不及則令人胸

痛引背下則兩脇肋滿黃帝曰善哉

肝虛則胸痛引背兩脇

居反腋以下三寸以下脇也脇下至八開之外肋也

平按黃帝問岐伯

曰夏脈如鉤何如而鉤岐伯對曰夏脈者心脈也南

方火也萬物所以盛長也故其氣來盛去衰故曰鉤

反此者病

夏陽氣盛萬物不勝盛長遂復垂下故曰鉤也夏脈從內起上至於手不勝其盛迴而衰遲故比之鉤也

黃帝

曰何如而反岐伯曰其氣來盛去亦盛此謂大過病

在外其氣來不盛去反盛此謂不及病在中

來去俱盛

也邪在少陽大陽故曰在外也其來不盛陽氣有衰脈行衰遲去反盛者陰氣盛實病在心藏也故曰病在中

平按素問新校正云詳越人肝心肺腎四藏

脈俱以強實為太過虛微為不及與素問不同黃帝曰夏脈大過與不及其病皆何

如岐伯曰大過則令人身熱而骨痛為浸淫腎主骨水也今大陽

大盛身熱乘腎以為微邪故為骨痛浸淫者滋長也平按骨痛素問作膚痛其不及則令人煩心上見

噎唾下為氣黃帝曰善哉陽虛陰盛故心煩也心脈入心中繫舌本故上見噎唾噎市滯反謂噎唾也氣

謂廣腸洩氣也平按素問噎作欬氣下有洩字甲乙同黃帝問於岐伯曰秋脈如浮何

如而浮岐伯對曰秋脈者肺脈也西方金也萬物所

以收也故其氣來輕虛以浮其氣來急去皆散故曰

浮反此者病秋時陽氣已衰陰氣未大其氣輕虛其來以急其去浮散故曰如浮也平按素問甲乙收下有成字其氣來急去

皆散作來急去散黃帝曰何如而反岐伯曰其氣來毛而中央

堅兩傍虛此謂大過病在外其氣來毛而微此謂不

及病在中

其脈來如以手按毛毛中央堅此為陽盛病在大腸手陽明故曰在外如三按毛毛中央微肺氣衰微故曰在中也

黃

帝曰秋脈大過與不及其病皆何如岐伯曰大過則

令人氣逆而背痛溫溫然

府陽氣盛則氣逆連背痛溫溫然熱不甚也

平按素問甲乙氣逆作逆氣溫

溫作

其不及則令人喘呼而欬上氣見血下聞病音黃

帝曰善哉

肺氣不足喘呼欬而上氣睡而有血下聞胸中喘呼氣聲也

黃

帝問於岐伯曰冬脈如營何如而營岐伯對曰冬脈

腎脈也萬物所以藏也故其氣來沈以搏故曰營反

此者病

管聚也謂萬物收藏歸根氣亦得深搏骨沈聚內營故曰如管也

東方木南方火西方金等句宜據素問甲乙補入沈以搏甲乙作沈以濡按素問新校正云搏當從甲乙經作濡以脈沈而濡濡古軟字乃冬脈之平調脈若

沈而搏擊於手則冬脈之大過脈又引越人云冬脈石者北方水也

黃帝

曰何如而反岐伯曰其氣來如彈石者此謂大過病

在外

其脈如石以為平也彈石謂今石脈上來彈手如石擊手如彈之以石謂腎大陽氣有餘病在膀胱大陽故曰在外也

其氣去

如毛者此謂不及病在中

腎氣不足故其氣去按之如按於毛病在於腎故曰在中一曰如數也平按

如毛素問甲乙作如數

黃帝曰冬脈大過與不及其病皆何如岐

伯曰大過則令人解彷彿腹痛而少氣不欲言

大過足大陽盛大陽

之脈行頭背脚故氣盛身解彷彿也解音懈彷彿相傳音亦謂怠惰運動難也

不

及則令人心如懸病飢脊中痛少腹滿小便變黃帝

曰善哉

腎脈上入於心故腎虛心如懸狀如病於飢當脊中腎氣不足故痛也又小腹虛滿小便變色也平按心如懸病飢素問甲乙作

心懸如病飢飢下素問有眇中清三字甲乙無脊中痛以下三句

黃帝曰四時之序逆順之變

異矣然脾脈獨何主乎

四時四藏氣候脈之逆順弦鈞浮營大過不及等變異多端已聞之矣然四藏之脈

於四時而王未知脾脈獨主
何時也 平按素問順作從岐伯曰脾者土也孤藏以灌四

傍者也
孤尊獨也五行之中土獨為尊以王四季脾為土也其味甘淡為酸苦辛鹹味液滋灌四傍之藏其脈在關中宮獨四時不見故不

主時也黃帝曰然則脾之善惡亦可得見乎岐伯曰善

者不可見惡者可見
善謂平和不病之脈也弦鈎浮營四脈見時皆為脾胃之氣滋灌俱見故四藏脈常得和平然

則脾脈以他為善自更無善也故曰善者不可見也惡者病脈也脾受邪氣脈見關中診之得知故曰可見也 平按注惡者病脈也五字袁刻脫黃

帝曰惡者何如可見也岐伯曰其來如水流者此謂

大過病在外其來如鳥之啄者此謂不及病在中

指下有脈如水之流動即脾氣大過也此陽氣病在胃足陽明故曰在外其脈來時如鳥啄指此為脾虛受病故曰在中一曰鳥距如鳥距隱人指也 平按

素問甲乙在外下無其來二字啄均作啄黃帝曰夫子之言脾之孤藏也中央

土也以灌四傍其大過與不及其病皆何如岐伯曰

大過則令人四支不舉

胃氣雖盛脾病不為行氣四支故曰四支不舉也

其不及則

令人九竅不通名曰重強

脾虛受病不得行氣於九竅故不通也

黃帝懼然起再拜稽首

懼敬起也道大於天故受道拜而稽首也

再曰吾得脈之大要天下至數

弦鈞浮營等脈大過不及之理名曰脈之大要至數至理也

平按素問曰下有善字

脈變揆度奇恒道在於一數神轉而不迴

迴則不轉乃失其機至數之要迫近以微

唯是血氣一脈隨四時而變故

曰脈變方欲切脈以求謂之揆也以四時度之得其病變謂之度也有病不得以四時死者曰奇也得四時死者曰恒也雖有此二種不同道在一數言一

數者謂之神轉神轉謂是神動而營神而營者不可動曲而不動則失神藏機機微也故脈診至理近機微也

平按脈上素問有五色二字神轉上素問無數字注謂是是

著之玉版藏之於府每旦讀之名曰生機

書而藏之曰日讀之以為攝生機要故曰生機也

平按素問於府作藏府生機作玉機

真藏脈形

平按此篇自篇首至末見素問卷六第十九玉機真藏論篇又見甲乙經卷八第一五藏傳病發寒熱篇

大骨枯槁大肉陷下胸中氣滿喘息不便其氣動形

期六月死真藏見乃予之期日

骨為身幹人之將死肉不附骨遂至大骨亦無潤澤故曰枯槁

即骨先死也身之小肉皆脫乃至大肉亦陷即肉先死也肺氣虛少邪氣盈胸故喘息不安也喘息氣急肩膺皆動故曰動形也肺病次傳至肺再傷故六月死也此乃不至七傳者也有前病狀真藏未見期六月死真藏脈見即與死期不至六月也古本有作正藏當是秦皇名正故改為真耳真正義同也

真藏下素問有脈字

大骨枯槁大肉陷下胸中氣滿喘息不便內

痛引肩項期一月死真藏見乃予之期日

內痛謂是心內痛也心府手大

陽脈從肩絡心故內痛引肩項也心不受痛受病不離一月故一月死

真藏脈見即不至一月可即與死期也

大骨枯槁大肉陷下胸中氣滿喘息不便內痛引肩項身

熱脫肉破脰真藏見十月之內死

此內痛即脾胃痛也手少陽脈偏應三焦脾胃即中

焦也上出缺盆上項故脾胃中痛引肩項也脾主身肉故脾胃病身熱脫肉破
膈者也膈其損反前之病狀真藏未見十月已上而死真藏脈見十月內死良
以脾胃受於穀氣故至十月而死也 平按甲乙身熱作 大骨枯槁大

肉陷下肩隨內消動作益衰真藏未見期一歲死見

其真藏乃予之期曰 腎府足大陽脈循肩髃內故腎病肩隨內藏消

二經脈之原故腎病動運皆衰也腎閒動氣強大故真藏脈未見者腎氣未是

甚衰所以期至一年腎氣衰甚真藏即見故與之死日之期也 平按素問肩

隨作肩髓未見作來見新校正云當作未字 大骨枯槁大肉陷下

胸中氣滿肉痛中不便肩項身熱破膈脫肉目匡陷

真藏見目不見人立死其見人者至其所不勝之時

則死 真藏脈見少陽脈絕兩目精壞目不見人原氣皆盡故即立死真脈雖
見目猶見人得至土時而死也 平按肉痛素問甲乙作腹內痛注土
時未詳素問王注謂不勝之時 急虛身卒至五藏絕閉脈道不
謂於庚辛之以金剋木也

通氣不往來辟於隨溺不可為期

四時虛邪名曰經虛八風從其虛之鄉來令人暴病

卒死名急虛身辟於隨溺辟車至反除也謂不得隨意溺也如此急虛之病亦有生者故不可與為死期也

平按身下素問有中字甲乙身上有中字辟於隨溺素問作譬於墮其脈絕不來若人一息五六至其形

肉不脫真藏雖不見猶死也

中於急虛其脈絕而不來有來一息脈五六至不待肉脫及真藏見

必當有死也 平按若下甲乙無人字新校正云按人一息脈五六至何得為死必息字誤當作呼乃是平按一息五六至乃連上文脈絕不來而言以脈絕不來或來而一息五六至復絕不來此即經所謂不滿十動而一代者五藏無氣予之短期故真藏雖不見猶死真肝脈至中

外急如循刀刃清清然如按瑟弦色青白不澤毛折

乃死

清寒也如以衣帶盛繩引帶不引繩即外急也引繩不引帶即內急也繩帶俱引即內外急也今真肝脈見中外皆急如人以手猶摩刀刃中

外堅急令人洒淅寒也又如以手按瑟弦急不調栗者此無胃氣即真肝脈也青為肝色白為肺色是肺乘肝也故青不澤也肺主於氣氣為身本身之氣衰即皮毛不榮故毛折當死也 平按素問甲乙清清作責責注猶摩猶字恐係循字傳寫之誤真心脈至堅而揣如

循薏芭累累然其色赤黑不澤毛折乃死

薏於極反芭義當茂即十珠也

堅而揣者譬人以手循摩薏苡之珠累累然堅鈎無胃氣之柔即真心脈也赤為心色黑為腎色是腎乘心也故赤不澤也

平按揣素問作搏甲乙堅作緊

真肺脈至大而虛如毛羽中人膚然

其色赤白不澤毛折乃死

其真肺脈如毛羽擲來中人皮膚大而浮虛者毛無胃氣即真肺脈也赤為心

色白為肺色是心乘肺也故白不澤也

平

真腎色至揣而絕如

循彈石辟辟然其色黃黑不澤毛折乃死

揣初委反動也其真腎脈至如石彈指辟打指

者管無胃氣即真腎脈也黃為脾色黑為腎色是脾乘腎故黑不澤也

素問甲乙揣作搏循作指甲乙此段在真脾脈一段下注黃為脾色袁刻為作

真脾脈至弱而乍疏乍數然其色青黃不澤毛折

乃死

真脾脈至乍疏乍數也疏謂動稀也數謂連動此無胃氣即真脾脈也青為肝色黃為脾色是肝乘脾故黃不澤也

然其

諸真藏見者皆死不治

藏脈獨見以無胃氣死故不療也

二字

平按素問甲乙藏下有脈字又按素

問此節下新校
正引楊注甚詳

四時診脈

平按此篇自篇首至名曰逆四時見素問卷六第十九玉機真藏論篇又見甲乙經卷四經脈第一下篇自黃帝問於岐伯曰脈其四時至持脈之大法也見素問卷五第十七脈要精微論篇甲乙同上又自是故陰盛則夢涉大水至肺氣甚則夢哀見甲乙卷六第八正邪襲內生夢大論自春得秋脈至末見素問卷七第二十三宣明五氣篇又見甲乙卷四經脈第一中篇

凡治病察其形氣色澤脈之盛衰病之新故乃治

無後其時

形之肥瘦氣之大小色之澤夭脈之盛衰病之新故凡療病者以此五診診病使當為合其時不當為後其時也

形

氣相得謂之可治

形瘦氣大形肥氣小為不相得形肥氣大形瘦氣小為相得也

脈色澤以

浮謂之易已

其病人五色浮輕潤澤其病易已平按素問無脈字

脈順四時謂之可

治

四時王脈皆有胃氣無他來剋故曰順時平按順素問作從

脈弱以滑是有胃氣命曰

易治趣之以時

四時之脈皆柔弱滑者謂之胃氣依此療病稱曰合時也平按趣之以時素問作取之以時甲乙作治之趨

之無後其時

形氣相失謂之難治色夭不澤謂之難已脈實

以堅謂之益甚脈逆四時謂之不治必察四難而明

告之勿趣以時

此之四診趣之為難可明告病人宜以變常設於療法不得依常趣之以時也 平按謂之不治素問作為不

可治無勿趣以時句甲乙無必察四難以下十二字

所謂逆四時者春得肺脈夏得腎

脈秋得心脈冬得脾脈其至皆懸絕沈瀦者命曰逆

四時未有藏形

四時皆得勝來剋己之脈已脈懸絕沈瀦失四時和脈雖未有病藏之形不可療也 平按命曰甲乙作名曰

春夏脈沈瀦秋冬而脈浮大

此脈反四時也 平按素問甲乙春上有於字浮大下素問有名曰

逆四時也六字

病熱脈清靜

熱病脈須熱而躁也今反寒而靜清寒也 平按素問甲乙無清字

洩而脈大

人之洩利脈須小細今為洪大也

脫血而脈實病在中

人之脫血脈須虛弱今反強實病在中也

而脈

實堅病在外

脫血脈實堅病在外也

而脈不實堅為難治名曰逆

四時

脫血而脈不實不堅難療也以上七診皆逆四時也 平按為難治素問作皆難治又按素問新校正云按平人氣象論云病在中脈虛病在

外脈瀯堅與此相反此經誤彼論為得自未有藏形春夏至此與平人氣象論相重注義備於彼黃帝問於岐伯曰

脈其四時動奈何知病所在奈何知病之所變奈何

知病乍在內奈何知病乍在外奈何知請問此六者

可得聞乎

六謂六問此中唯有五問當是脫一問也 平按素問請上無知字六作五據本篇下經文此六者持脈之大法應作六楊注

云當是脫一

岐伯對曰請言其與天轉運

量下答中文當有六故為六合也人身合

天故請言人身與天合氣轉運之道也夫萬物之外六合之內天

地之變陰陽之應

萬物各受一形自萬物一形之外從於六合苞裹之內皆是天地為其父母變化而生故萬物皆與

天地之氣應而合也 平按素問

彼春之暖為夏之暑

春夏者陰氣終始也春之

無夫字甲乙無夫萬物之外五字彼秋之急為

三月陽氣之始氣和日暖夏之三月陽盛暑熱乃是春暖增長為之也 平按注陰氣終始陰字當是陽字之誤

冬之怒

秋冬者陰氣終始也秋之三月陰氣之始風高氣切故名爲急冬之三月陰氣嚴烈乃是秋涼增長爲之也

忿王注云忿一作急注氣切切字恐是勁字之誤

四變之動脈與之上下

暖暑急怒是天之運四氣變動

人之經脈與彼四氣上下變動亦不異也春夏之脈人迎大於寸口故爲上也寸口小於人迎故爲下也秋冬之脈寸口大於人迎故爲上也人迎小於寸口

改爲下也此乃盛衰爲上下也此答初問也

平按

應中矩

春三月時少陽之氣用萬物始生未正故曰應規也夏三月時大陽之氣用萬物長正故曰應矩也

秋應中衡

冬應中權

秋三月時少陰之氣用萬物長極故曰應衡也冬三月時太陰之氣用萬物歸根故曰應權也

素問甲乙作衡

是故冬至四十五日陽氣微上陰氣微下

冬至以後陽氣

漸長故曰微上陰氣漸降故曰微下也

夏至四十五日陽氣微下陰氣微上

夏至以後陰氣漸長故曰微上

陽氣漸降故曰微下也

陰陽有時與脈爲期期而相失知

脈所分分之有期故知死時

陰陽以有四時四時與脈爲期爲期在於四時相得失處即知四時

之脈分在四時之際脈分四時有期則死生之期可知此答第二病所
在也 平按知脈所分知字原鈔作和謹依素問甲乙及本注作知 微妙

在脈亦不可不察察之有紀從陰陽始欲知人之死生者無勝察之妙察脈

綱紀必以陰陽為本也 始之有經從五行生陰陽本始有十二經脈也十二月經脈從

五行生也 生之有度四時為數五行生十二經脈各有法度脈從五行生木生二經足厥陰足少陽也火生四經手

少陰手太陽手厥陰手少陽也土生二經足大陰足陽明也金生二經手大陰

手陽明也水生二經足少陰足大陽也此為五行生十二經脈法度者春有二

經夏有四經季夏有二經秋有二經冬有二經故十二經脈以 循數勿失

四時為數也 平按素問數作宜新校正云按太素宜作數 與天地如一得一之誠以知死生於寸關尺三部之中循十

四時之氣而不失錯與天地氣宜然為一如此則能了知死生之期也 是

平按循數素問作補寫誠作情自始之有經至以知死生甲乙無此八句 故聲合五音色合五行脈合陰陽人之音聲合於五音人之

形色合於五行人之脈氣 是故陰盛則夢涉大

合於陰陽此答第三知病之所變也 平按 注知病知字原鈔作之據上經文宜作知

水恐懼陽盛則夢大火燔灼陰陽俱盛則夢相殺毀

傷上盛則夢飛揚

平按素問甲乙無揚字

下盛則夢墮墜

平按素問甲乙無墜字

甚飽則夢予甚飢則夢取肝氣甚則夢怒肺氣甚則

夢哀

平按甚素問甲乙作盛素問哀作哭甲乙作哭泣恐懼飛揚

短蟲多則夢眾長蟲多則

夢相擊破傷

凡夢有三種人有吉凶先見於夢此為徵夢也思想情深因之見夢此為想夢也因其所病見之於夢此為病夢也

此十一種夢皆病夢也並因陰陽氣之盛衰內有飢飽肝肺氣盛長短蟲多以

為夢也此所以因傷致夢即以夢為診也此為夢診可為四答問之脫也

平按甲乙無短長蟲多二句素問新校正云詳此二句亦不當出此應他經脫簡文也是故持脈有遁虛靜為

保

持脈之道虛心不念他事凝神靜慮以為自保方可得知脈之浮沈氣之內外也

平按甲乙無是故二字保作寶春日浮如

魚之游在皮夏日在膚沈沈乎萬物有餘

春時陽氣初開脈從骨髓流入

經中上至於皮如魚游水未能周散夏時陽氣榮盛脈從經溢入孫絡膚肉之中如水流溢沈沈盛長萬物亦然茂盛有餘此答第五病在外也平按皮素

問甲乙作波

秋日下膚蟄蟲將去冬日在骨蟄蟲固密君子

居室

秋日陽氣從膚漸伏於內故曰下膚蟄蟲趣暖入穴故曰將去是時陰氣從內出在皮膚腠理將開也冬日陽氣內伏蟄蟲閉戶固密君子去

堂居室人之脈氣行骨故持脈者深按得之此故曰知內者按而紀

之知外者終而始之

秋冬脈氣為陰在內故按得細紀春夏脈氣為陽在外故趣得終始也春夏之脈為秋冬脈終

即為陽之始也

此六者持脈之大法也

以為診脈大法

春得秋脈夏得

冬脈秋得春脈冬得夏脈陰出之陽陽病善怒不治

是謂五邪皆同命死不治

春得秋脈夏得冬脈皆賊邪來乘也秋得春脈冬得夏脈雖是微邪來乘以秋

冬得之陰出之陽交爭者不療也平按素問夏得冬脈下有長夏得春脈五字秋得春脈作秋得夏脈冬得長夏脈陰出上有名曰二字甲乙

同又甲乙死不

治上無命字

人迎脈口診

平按此篇自篇首至無勞用力也見靈樞卷八第四十八禁服篇又見甲乙經卷四經脈第一上篇自雷公曰病之

益甚至傷於食飲見靈樞卷八第四十九五色篇甲乙同上自一日一夜五十營至乍數乍疏也見靈樞卷二第五根結篇甲乙同上自黃帝曰氣口何以獨為五藏主氣至治之無功矣見素問卷三第十一五藏別論篇又見甲乙卷二十二經脉絡脉支別第一下篇自凡刺之道至取之其經見靈樞卷二第九終始篇又見甲乙卷五第五鍼道終始篇自人迎一盛至命曰關格又見素問卷三第九六節藏象論篇自黃帝問於岐伯曰人病胃管至故胃管為癰帝曰善見素問卷十三第四十六病能篇又見甲乙卷十一第八邪氣聚於下脘發內癰篇自安卧至末見靈樞卷十一第七十四論疾診尺篇又見甲乙卷十一第六五氣溢發消渴黃疸篇

雷公問於黃帝曰細子得之受業通九鍼六十篇旦

暮勤服之近者編絕遠者簡垢然尚諷誦弗置未盡

解於意矣

南方來者九鍼之道有六十篇其簡之書遠年者編有斷絕其近年者簡生塵垢言其深妙學久日勤未能達其意也平按

還者靈樞作久者二字

外揣言渾束為一未知其所謂也

初揣

近遠二字據注宜互易委反度也渾戶昆反合也束總要也五藏六府吉凶善惡其氣在內循手大陰脉總合為一見於寸口外部之中可以手按度量令人得知者未通其意也

夫大則無外小則無內大小無極高下無度束之奈

何

經脈之氣合天地之數與道通洞苞裹六合故大無外也氣貫毫微則小無內也然則無形不可以大小極不可以高下測欲以總為一者殊不可

知也

平按注與道通洞四字袁刻脫

士之才力或有厚薄知慮編淺不能

博大深奧自強於學未若細子細子恐其散於後世

絕於子孫也敢問約之奈何

編鞭細反人之所學未若細子惟恐其至道絕於後代無及子孫故

問其要傳之不朽也細子者雷公自謙之辭也平按若上靈樞無未字

黃帝答曰善乎哉問也此

先師所禁坐私傳之也割臂歃血為盟也子若欲得

之何不齊乎

平按歃原作歃恐傳寫之譌謹依靈樞作歃為盟靈樞作之盟齊作齊下同

雷公再拜

而起曰請聞命矣於是乃齊宿三日而請曰敢問今日正陽細子願以受盟黃帝乃與俱入齊室割臂歃

血黃帝祝曰今日正陽歆血傳方敢背此言者必受

其殃雷公再拜曰細子受之黃帝乃左握其手右授

之書曰慎之慎之

上古貸季傳至岐伯岐伯授之黃帝故貸季為先師也非其人不可授道故須禁之坐私傳也方要

道以盟誓授人

吾為子言之凡刺之理經脈為始

吾方愈病各為其要聖人難合行之

以鍼為輕小能愈大疾故先言之人之十二經脈奇經八脈十五絡脈經絡於身營衛陰陽氣之經墜生之天壽莫不由之故為始也

平按注墜字恐係誤

字傳寫之誤

營其所行知其度量

刺之理者必須經營循十二經諸絡脈等所行之氣並知脈之長短度量也

平按注脈之長短脈字袁刻誤作肺

內次五藏別其六府

從於藏府流出經脈行身外故藏府稱內知內之道先次

五藏內中之陰次別六府內中之陽也平按注知內袁刻誤作知道

審察衛氣為百病母調其

虛實乃止寫其血絡血絡盡而不殆

次知衛氣為陽行外受諸邪氣以為百病次欲

知經絡虛實實者乃止而寫之先寫大小血絡血邪盡已得無危殆也雷公

平按虛實下靈樞重虛實二字血絡盡而不殆靈樞作血盡不殆矣

曰此皆細子之所以通也未知其所約也黃帝曰夫

約方者猶約囊也囊滿不約則輸洩方成弗約則神

弗與俱約節量也方法也方以診氣囊以盛氣故得比之囊滿不為節約必洩其氣診法成已不為節約必洩神氣神氣去矣不與周運故

曰不俱也雷公曰願為下材者勿滿而約之黃帝曰未滿

而知約之以為工不可以天下師焉攝生之道材有上下診法成已節約合理得長

生久視材德之上可為天下之師診法未能善成故曰未滿而能節約而行得為國師是按脈而知病生所由稱之為工材之不下也平按靈樞天下上有為字

雷公曰願聞為工為工是持脈之道故問也黃帝曰寸口主中按此九卷素問

肺藏手太陰脈動於兩手寸口中兩手尺中夫言口者通氣者也寸口通於手太陰氣故曰寸口氣行之處亦曰氣口寸口氣口更無異也中謂五臟藏為陰

也五藏之氣循手太陰脈見於寸口故寸口脈主於中也人迎主外結喉兩箱足陽明脈迎受五藏六府之氣以養於人故曰人迎下經

曰人迎胃脈也又云任脈之側動脈足陽明名曰人迎明堂經曰頸之大動脈動應於手俠結喉以候五藏之氣人迎胃脈六府之長動在於外候之知內故

曰主外寸口居下在於兩手以為陰也人迎在上居喉兩旁以為陽也九卷終始篇曰平人者不病也不病者脈口人迎應四時也應四時者上下相應俱往俱來也脈口謂是手太陰脈行氣寸口故寸口脈口亦無異也既上下俱往俱來豈以二手為上下也又九卷終始篇云人迎與太陰脈口俱盛四倍以上命曰關格即知手太陰無人迎也又素問第五卷云胃管癰診岐伯曰當得胃脈沈細胃沈細者氣逆氣逆者人迎甚盛盛則熱人迎者胃脈也逆盛則熱聚於胃口而不行故胃管為癰此經所言人迎寸口之處數十有餘竟無左手寸口以為人迎右手關上以為寸口而舊來相承與人診脈縱有小知得之別注人多以此致信竟無依據不可行也

繩小大齊等

寸口人迎兩者上下陰陽雖異同為一氣出則二脈俱往入則二脈俱來是二人共引一繩彼牽而去其繩並去此

引而來其繩並來寸口人迎因呼吸牽脈往來其動是同故曰齊等也

春夏人迎微大秋冬寸口

微大如此者名曰平人

管彼引繩之動大小齊等細尋其動非無小異故此牽此動之端為大彼端微小彼

動之端為大此端微小脈亦如之上下雖一因呼吸而動以春夏之陽秋冬之陰故微有大小春夏陽氣盛實故脈順之微大為平秋冬陰氣盛實故脈順之微大為平平者和氣無病者也人迎大一倍於寸口病在少

平按注故微有大小袁刻脫微字

陽人迎二倍病在大陽人迎三倍病在陽明

計春夏大迎大於寸

口少半已去少陽即已有病其病猶微故未言之成倍方言以病成可名故曰病在少陽言一倍等按不病之人寸口人迎脈動大小一種春夏之時人迎之動微大寸口以為平好人迎之脈斷大小半大半至於一倍即知少陽有病少陽盛氣未大故得過陰一倍名曰少陽之病致使人迎之脈一倍大於寸口少陽病氣漸盛過於陰氣三倍名曰大陽之病則人迎之脈二倍大於寸口大陽病氣漸盛過於陰氣三倍名曰陽明之病則人迎之脈三倍大於寸口也

按靈樞病在少陽作病在足少陽一倍而躁在手少陽病在太陽作病在足太陽二倍而躁病在手太陽病在陽明作病在足陽明三倍而躁病在手陽明甲乙二倍

盛則為熱

陽氣內盛為熱

虛則為寒

陽氣內虛陰乘為寒故人迎脈虛也

緊

則為痛痺

其氣動緊似急也此肌肉之閒有寒溫氣故為痛痺也

代

則乍甚乍閒

代止也脈絕不來故曰代也代者邪氣客於血絡之中隨飲食而變故病乍甚乍閒也

盛則寫

之

虛則補之

人迎虛者人迎小於寸口也

代則取血絡且

人迎一盛者寫於少陽二盛寫於大陽三盛寫於陽明也

倍補於大陽三

倍補於陽明也

緊痛則取之分肉

分肉之閒

代則取血絡且

飲藥

邪在血絡致令脈代可刺去邪血飲湯實之

陷下則灸之

謂其諸脉血氣不滿陷下不見是中寒故須灸之

不盛不虛以經取之名曰經刺

不盛不虛正經自病也假令心

來名為虛邪飲食勞倦脾來乘心從前來者名為實邪傷寒得之肝來乘心從後而所不勝來者名曰微邪中陰得之腎來乘心從所勝來者名曰賊邪以上四病皆是他邪為之須視心之虛實補寫他經傷暑得病起於自藏以為正邪宜療自經故曰以經取之名曰經刺也

人迎四倍者

且大且數名曰外格死不治

人迎三倍各病一陽至四倍其陽獨盛外拒於陰陰氣不行故曰格

陽格拒也陽氣獨盛故大而且數以無陰氣獨盛必衰故死不療平按靈樞名曰下有溢陽溢陽為五字

必審按其本末

察其寒熱以驗其藏府之病

必須審按人迎寸口內外本末察其脉中寒暑然後驗知藏府中之

也寸口大於人迎一倍病在厥陰寸口二倍病在少

陰寸口三倍病在太陰

秋冬寸口大於人迎少半已去厥陰即已

有病其病猶微故未言之以病成可名故曰病在厥陰言一倍等按不病人寸口人迎脈動大小一種秋冬之時寸口之動微大人迎以為平好寸口之脈至於一倍即知厥陰有病厥陰之氣衰少故

得過陽一倍名曰厥陰之病致使寸口之脈一倍大於人迎陰氣雖少得過陽氣二倍名曰少陰之病則寸口之脈二倍大於人迎太陰最大過於陽氣三倍名曰太陰之病則寸口之脈三倍大於人迎也 平按靈樞病在厥陰作病在足厥陰一倍而躁在手心主病在少陰作在足少陰二倍而躁在手少陰病在太陰作病在足太陰三倍而躁在手太陰甲乙二倍作再倍又甲乙無寸口三倍病在太陰八字 盛則脹滿寒中食

不化

寸口陰氣大於人迎三倍病在太陰太陰之病自有虛實是以寸口陰盛則腹中寒氣脹滿有寒中食不化也 平按寒中食不化甲乙作寒

則食不消化

虛則熱中出糜少氣弱色變

陰虛陽氣來乘腸胃中熱故大便出強如黃糜少陰

氣虛故少氣弱色黃也

平按注

出強如黃糜衰刻作出糜如黃疸

緊則為痺 風寒溼氣留於分肉間為痺故令寸口脈緊實也

代則乍痛乍止

寸口脈動而中止不還曰代邪客分肉致令衛氣之行乍行乍止故令其痛乍有乍止也 平按甲乙作代則

乍寒乍熱下熱上寒注云太素作代則乍痛乍止

盛則寫之虛則補之

下言療方盛寫之法惟人迎可知也

緊則先刺而後灸之

緊有痺痛先以痛為輸榮鍼刺已然後於其刺處灸之 平按注榮衰刻作營刺處衰刻作刺

後代則取血絡而洩之

代則乍痛乍止故刺去邪血之絡也 平按而洩之靈樞作而後調之甲乙同注云太素

作泄注乍痛衰刻誤作乍病

陷下則徒灸之陷下者脈血結於中中有

著血血寒故宜灸

徒空也諸脈陷下不見是脈中寒血結聚宜空灸之不假先刺也平按徒灸甲乙作從灸注血結

衰刻作血倍不假誤作不復

不盛不虛以經取之

准人迎可知也

寸口四倍名曰

內關內關者且大且數死不治

陰氣三倍大於陽氣病在三陰至於四倍陰氣獨盛內皆閉塞

陽不得入故為內關關閉也寸口大而又數即陰氣將絕故死不療也平按內關衰刻誤作內關注同依原本更正

必察其本末

之寒溫以驗其藏府之病

必察寸口人迎大小終始寒溫則知內外藏府之病也平按之寒溫甲乙作

察其寒熱

通其榮輸乃可傳於大數大數日盛則徒寫虛

則徒補

候知五藏六府病之所在先須鍼藥通其榮輸然後傳於灸刺大數謂空補寫之數也平按甲乙大數日盛作大曰盛虛上有小

日二字兩徒字均作從

緊則灸刺且飲藥

脈之緊者三療俱行緊謂動而中止小數中有還者曰結也

陷

下則徒灸之

准前人迎平按甲乙徒作從

不盛不虛以經取之所謂

經治者飲藥亦曰灸刺不盛不虛經療之法亦三療俱行之脈急

則引引挽也寸口脈急可脈代以弱則欲安靜無勞用力

也脈表代絕至復微弱不欲煩動者宜安靜恬逸不得自勞也雷公曰病之益

甚與其方衰何如問其切脈黃帝曰外內皆在焉外府內藏並有

甚才以切其脈口滑小緊以沈者其病益甚在中脈口陰位也滑

為陽也小緊沈者皆為陰也按於脈口得一陽三陰則陰乘陽故病益甚病在五藏故曰在中也人迎氣大緊以浮

者其病益甚在外人迎陽位也緊為陰也大浮陽也二陽一陰其

脈口滑而浮者病曰損滑浮皆陽在於陰位而得二陽其氣以和故病日日變損也一平按滑而浮靈樞作

汗人迎沈而滑者病曰損一陰一陽在於陽位其氣易和故病損其脈口滑以

沈者其病日進在內一陰一陽在於陰位故病日漸進在五藏其人迎脈滑盛以

浮者其病曰進在外滑盛浮等俱為陽也又在陽位名曰太過病增在於六府也脈之浮沈

及人迎寸口氣小大等者其病難已諸有候脈浮沈及人迎寸口中氣大小齊等者

是陰陽不得相傾故病難已也病之在藏沈而大者易已小為

逆人迎寸口之中候之知病在於內五藏中其脈且沈且大是為陰陽氣和雖病易已其脈沈而小者純陰故逆而難已也病之在

府浮而大者病易已候之知病在外六府中其脈浮而且大得其時易已人迎盛緊者

傷於寒人迎盛為陽也緊則為陰也謂冬因蟄寒氣入腠名曰傷寒春為溫病也脈口盛

緊者傷於食盛為陰也脈口盛而緊者是因飢多食傷藏為病也平按靈樞甲乙無飲字一日一夜

五十營以營五藏之精不應數者名曰狂生所謂五

十營者五藏皆受氣也營氣一日一夜周身五十營於身者也經營五藏精氣以奉生身若其不至五十營

者五藏無精雖生不久故曰狂生持其脈口數其至也五十動而不一代

者五藏皆受氣矣

脈口寸口亦曰氣口五十動者腎藏第一肝藏第二脾藏第三心藏第四肺藏第五五藏各為十動

故曰從脈十動以下次第至腎滿五十動即五藏皆受於氣也持脈數法先將不病人之脈口以取定數然後按於病人脈口勘知病人脈數多少謂從平旦陰氣未散陽氣未行按於脈口以取定數也

四十動而一代者一藏無氣矣

其脈得四十動

已至四十一動已去有一代者即五十數少故第一腎藏無氣也

三十動而一代者二藏無氣

矣

其脈得三十動已至三十一動已去有一代者即四十數少故第二肝藏無氣

二十動而一代者三

藏無氣矣

其脈得二十動已至二十一動已去有一代者即三十數少故第三脾藏無氣

十動而一代者

四藏無氣矣

其脈得十動已至十一動已去有一代者即二十數少故第四心藏無氣

不滿十動而

一代者五藏無氣矣

其脈不滿十數有一代者即十數少故第五肺藏無氣

予之短期

肺主五藏之氣肺氣既無所以五藏氣皆不至故與之短期也 平按予甲乙作與下同袁刻誤作子

要在終始所謂

五十動而不一代者以為常也

五十動而不一代者蓋是以五藏終始常道之要也

以

知五藏之期也予之短期者乍數乍疏也與短期者謂五藏脉乍疏乍數

不合五十之數故可與之死期也黃帝曰氣口何以獨為五藏主氣謂九候各候五

藏之氣何因氣口獨主五藏六府十二經脉等氣也 平按素問甲乙主下無氣字岐伯曰胃者水穀之海

也六府之大也五味入口藏於胃以養五氣氣口亦

太陰也是以五藏六府之氣味皆出於胃變見於氣

口胃為水穀之海六府之長出五味以養藏府血氣衛氣行手太陰脉至於氣口五藏六府善惡皆是衛氣所將而來會手太陰見於氣口故曰變見

也 平按素問甲乙大下有源字五氣作五藏氣故五藏氣入於鼻藏於心肺心肺

有病而鼻為之不利也穀入於胃以養五藏上薰入鼻藏於心肺鼻中出入鼻為肺官故心肺有病鼻氣不

利也故曰凡治病者必察其上下適其脉候觀其志意

與其病能乃拘於鬼神者不可與言至治瘵病之要必須上察人迎下診

寸口適於脈候又觀志意有無無志意者不可為至及說療疾復觀其人病態能可療以否若人風寒暑濕為病乃情繫鬼神斯亦不可與言也 平按素問察其上下作察其下三字脈下無候字病下無能字袁刻能誤作態素問新校正云按太素作必察其上下適其脈候觀其志意與其病能與此正合又至治素問作至德 惡於鑱石者不可與言至巧治病不許治者病

不必治也治之無功矣

鑱仕監反鉞也其病非鉞石不為而惡之者縱岐黃無所施其功其病可療而不許

療者縱倉扁不可為其功也 平按鑱原鈔作鏡據注應作鑱素問作鉞

凡刺之道畢於終始明知

終始五藏為紀陰陽定矣

凡刺之道其要須窮陰陽氣之終始人

以五藏藏神居身故為陰陽氣之綱紀即陰陽定矣

陰者主藏陽者主府

陰氣主於五藏在內陽氣主於六府在外

也陽受氣於四末陰受氣於五藏

清陽實於四支濁陰者走於六府故陽受氣於四末也清

陰起於五藏濁陽者營於四支故陰受氣於五藏也 平按甲乙末作肢

故寫者迎之補者隨之知

迎知隨氣可令和和氣之方必通陰陽

故補寫之道陰陽之氣實而來

者迎而寫之虛而去者隨而補之人能知此
隨迎補寫之要則陰陽氣和有疾可愈也

五藏為陰六府為陽

傳之後代以血為盟敬之者昌慢之者亡無道行私

必得天殃

敬其傳方今守道去私也 平按靈樞後代作後世甲乙無傳之後代以下六句

謹奉天道請

言終始

言其奉誠因請五藏終始之紀也

終始者經脈為紀持其脈口人

迎以知陰陽有餘不足平與不平天道畢矣

五藏終始紀者謂經

脈也欲知經脈為終始者可持脈口人迎動脈則知十二經脈終始陰陽之氣有餘不足也

所謂平人者不病不

病者脈口人迎應四時也

春夏人迎微大寸口秋冬寸口微大人迎即應四時也 平按注兩微字原作

後依前經文應作微

上下相應而俱往俱來也

人迎在結喉兩傍故為上也寸口在兩手關上故為下也

上下雖別異同時而動故曰俱也 平按靈樞甲乙來上無俱字

六經之

脈不結動也

陰陽之脈俱往來者即三陰三陽經脈動而不結

本末之寒溫相守司

也

春夏是陽用事時溫人迎為本也秋冬是陰用事時寒脈口為本也其二脈不來相乘復共保守其位故曰相守司也 平按靈樞溫下有之字甲

乙作本末相

遇無之字

形肉血氣必相稱也是謂平人

形謂骨肉色狀者也肉謂肌膚及血

氣者也衰勞減等

好即為相稱也如前五種皆為善者為

平人

平按注血氣下原缺一字上半作四衰勞勞字原校作榮

少氣者

脈口人迎俱少而不稱尺寸也如是則陰陽俱不足

脈口寸口也寸部有九分之動尺部有一寸之動今秋冬寸口反小於人迎即

寸口不稱尺寸也春夏人迎反小於寸口即人迎不稱尺寸也如此勘檢則知

藏府陰陽二氣俱少也

平按注勘袁刻誤作甚

補陽則陰竭寫陰則陽脫如是者

可將以甘藥不愈可飲以至齊

夫陽實陰虛可寫陽補陰陰實陽虛可寫陰補陽今陰陽俱虛

補陽其陰益以竭寫陰之虛陽無所依故陽脫所以不可得於鍼石可以甘善

湯液將扶補之若不已可至於齊也

平按靈樞甲乙無愈字齊作劑注甘善

袁刻作

甘藥

如此者弗灸不已因而寫之則五藏氣壞矣

此如

二皆是虛可以湯液補者日漸方愈故曰不久不已若不如此

即用鍼寫必壞五藏之氣也為不灸於義不順灸當為久也

人迎一盛

病在足少陽一盛而躁在手少陽

病在足少陽足少陽病大於足厥陰一倍故人迎盛

於寸口一倍一盛而躁病在於手少陽經也

人迎二盛病在足太陽二盛而躁在

手太陽

躁手道反擾也陽氣漸大在足太陽足太陽病大於足少陰二倍故人迎盛於寸口二倍也

人迎三盛

病在足陽明三盛而躁在手陽明

陽氣更盛在足陽明足陽明病大於足大陰三倍故

人迎盛於寸口三倍也 平按注足大陰陰宇原鈔作陽據上注擬作陰

人迎四盛且大且數者名

曰溢陽溢陽為外格

人迎盛至四倍大而動數陽氣盈溢在外格拒陰氣不得出外故曰外格也 平按素問作四

盛以上為格陽

脈口一盛病在足厥陰一盛而躁在手心主

陰盛病大於足少陽一倍故脈口盛於人迎一倍也

脈口二盛病在足少陰二盛而躁

在手少陰

足少陰盛病大於足太陽二倍故脈口盛於人迎二倍也

脈口三盛病在足大

陰三盛而躁在手少陰

足太陽盛病大於足陽明三倍故脈口盛於人迎三倍也 平按手少陰靈樞甲乙

均作手太陰依經文亦應作太當係傳寫之誤
脈口四盛且大且數者命曰溢陰為

內關內關不通死不治
陰氣四盛於陽脈口大而且數陰氣盈溢在內關閉陽氣不得復入名曰內關不可

也療人迎與大陰脈口俱盛四倍以上者命曰關格關

格者與之短期
脈口寸口也陽盛四倍格而不關陰盛四倍關而不格皆與死期脈口人迎俱四倍已上稱曰關格死之將近

故與短期此云人迎與太陰脈口即知手大人迎一盛寫足少陽而

陰脈無人迎也
平按關字袁刻均誤作開
人迎一盛寫足少陽而

補足厥陰
人迎一倍大於脈口即知少陽一倍大於二寫一補其補厥陰故寫足少陽補足厥陰餘皆准此也

陽盛陰虛二寫於陽一補於陰陰盛陽虛一寫於陰二補於陽然則陽盛得二

寫陽虛得二補陰盛得一寫陰虛得一補療陽得多療陰得少何也陰氣遲緩

故補寫在漸陽氣疾急故補寫在頓倍於療陽也餘放
日一取之
度補寫

此也
平按注放此放字原作故謹擬作放袁刻作做
也足大陽盛足少陰虛足少陰盛足大陽虛此二經者氣血最少故二日一補

寫也足少陽盛足厥陰虛足厥陰盛足少陽虛此二經者血氣次多故日一補

寫也足陽明盛足太陰虛足太陰盛足陽明虛此二經者血氣最富故日二補

寫以為例准厥陰血氣最少少陰次多太陰最多此中少陰二日一取厥陰一

日一取太陰一日
必切而驗之
必須切診人迎
脈口以取驗也
躁取之上
人迎躁而上行

二取或經錯耳
皆在手脈故曰取上取者取於此經所
發穴也 平按躁靈樞甲乙作疏下同
氣和乃止
寫實補虛令陰陽氣
和乃止亦為例也

人迎二盛寫足大陽而補足少陰二寫一補二日一
取之必切而驗之躁取之上氣和乃止人迎三盛寫
足陽明而補足大陰二寫一補日二取之必切而驗
之躁取之上氣和乃止脈口一盛寫足厥陰而補足
少陽二補一寫日一取之必切而驗之躁取之上氣
和乃止脈口二盛寫足少陰而補足大陽二補一寫
二日一取之必切而驗之躁取之上氣和乃止脈口
三盛寫足大陰而補足陽明二補一寫日二取之必

切而驗之躁取之上氣和乃止所以日二取之者大

陰主胃大富於穀氣故日二取釋此二經多取所由也 平按

乙穀下 無氣字人迎脈口俱盛三倍以上命曰陰陽俱溢如是

者不開則血脈閉塞氣無所行流淫於中五藏內傷

如此者因而灸之則變易而為他疾矣人迎脈口俱三倍 已上未至四倍陰

陽俱有溺溢當爾之時必須以鍼開寫通之若不開者氣無所行淫溢反流內 傷五藏不可灸也 平按三倍以上甲乙作四倍以上注靈樞作三倍注當爾

爾字袁 刻作診凡刺之道氣調而止補陰寫陽夫寫陰為易補陰為難 補陽為易寫陽為難刺

法補陰寫陽二氣和者即可停止也 平按注寫陰陰字袁刻誤作陽音氣並章耳目聰明反此

者血氣不行身中陰陽和者言音清朗吐納和暢故曰並章七竅開 通所以耳目聰明反此為逆故血氣不行也 平

按音氣並章靈樞作音氣益彰甲乙作音聲益 彰靈樞甲乙無身中二字注為逆袁刻作者逆所謂氣至而有効者

鍼入膚肉轉而待氣氣至行補寫而得
驗者謂有效也 平按効甲乙作効

寫則益虛虛者脈大如其

故而不堅也堅如其故者適雖言快病未去也

以其有實所以

須寫寫者益虛損實其實損者其脈大如故而脈中不堅即為損實也若寫已脈大如故脈中仍堅者去鍼適雖以損稱快病未除也 平按快靈樞作故

補則益實實者脈大如其故而益堅也大如其故而

不堅者適雖言快病未去也

以其有虛所以須補補者補虛益實者也其得實者脈大如故而脈

中堅即為得實若補已脈大如故脈不中堅去鍼適雖快病未愈也

故補則實寫則虛痛雖不隨

鍼病必衰去

故補則補虛令實寫則寫實令虛補寫未盡其工去鍼適雖言差病未除也若補寫窮理其痛雖不隨鍼去病必衰

去也 平按鍼下甲乙有減字

必先通十二經脈之所生病而後可得傳

於終始矣

十二經病所由通之者知諸邪氣得之初始亦知為病所差之終是以可得傳於終始貽諸後代也 平按經下甲乙無脈字

傳上無得字

故陰陽不相移虛實不相傾取之其經

是故學者須知陰陽

虛實不相傾移者可取十二經脈行
補寫也 平按傾衰刻誤作頤注同 黃帝問於岐伯曰人病胃

管癰者診當何如岐伯曰診此者當得胃脈其脈當

沈細沈細者氣逆逆者人迎甚盛盛則熱人迎者胃

脈也逆而盛則熱聚於胃口而不行故胃管為癰黃

帝曰善 胃管癰者胃口有熱胃管生癰也得胃脈者寸口脈也寸口者脈

手之寸口之中胃脈合浮與大也今於寸口之中診得沈細之脈即知胃有傷

寒逆氣故寸口之脈沈細上之人迎洪盛者也盛則胃管熱也上人迎者在喉

兩邊是足陽明胃脈者也胃氣逆者則手之寸口沈細喉邊人迎盛大故知熱

聚胃口不行為癰紆赤反腫也 平按胃管素問甲乙作胃脘沈細甲乙作沈

瀉新校正云 安卧小便黃赤脈小而瀉者不嗜食 黃赤脈小

瀉脾病故不嗜食也 人病其寸口之脈與人迎之脈大小

及其浮沈等者病難已也 寸口即脈口也人病寸口之脈秋解

四時大小浮沈皆同即四時脈亂故難
已也 平按靈樞大小作小大等三字

黃帝內經太素卷第十四

診侯一

黃陂蕭貞昌校字